



毛詩異文箋卷八

齊臺文士 齊臺申伯 勉勉我王

陳玉樹

大雅文王篇齊臺文王傳齊臺勉也崧高齊臺申伯箋齊
臺勉也案齊即勉之段音械樸勉勉我王韓詩外傳五作
齊臺文王荀子富國篇春秋緜露三綱六紀篇引詩並作
齊臺我王此齊勉字通之證文選左太冲吳都賦清流齊
臺注引韓詩齊臺水流進貌段玉裁謂即新臺河水浼浼
之異文齊之通作浼猶齊之通作勉矣齊古讀如門勉从
免聲禮記檀弓釋文內則釋文皆云免音問說文問从門
聲此齊勉音近之證說文無齊昔人謂即媿字近儒謂即

卷八

斲字

凡周之士 則無廡仕 維曰于仕

凡周之士不顯亦世傳云不世顯德乎士者世祿也案毛
以士者釋經之士蓋讀士爲仕士者世祿即孟子仕者世
祿也正義及考文古本並作仕者世祿節南山則無廡仕
兩無正維曰于仕仕正字士借字士借爲仕仕亦借爲士
四月箋之仕事即褰裳傳之士事也說見盡瘁

於緝熙敬止 維清緝熙 於緝熙 俾緝熙于純嘏

學有緝熙于光明 熠燿宵行 熠燿其羽

於緝熙敬止傳緝熙光明也昊天有成命篇於緝熙傳緝

明也維清載見敬之之緝熙箋竝訓爲光明案緝乃熠之
段音說文熠盛光也字林熠光盛也東山熠熠宵行正義
曰熠熠者螢火之蟲飛而有光之貌熠熠其羽箋云羽鮮
明也緝熠疊韻文選束皙補亡詩輯輯和風注引毛詩習
習谷風云輯與習同緝之通作熠猶輯之通作習矣爾雅
釋詁緝光也亦段借字說文緝績也行葦箋緝猶績也此
緝之本義也

古假哉天命亦孔之固受命既固

假哉天命傳假固也案此謂假借固與天保定爾亦孔之
固天立厥配受命既固之固同義假與固古字通用釋詁

毛八

二

假已也思齊正義引作瑕已史記宋世家十二諸侯年表

宋共公瑕春秋瑕作固成十六年是假瑕固竝通用段聲

古聲古同部唐韻正三十五馬假音古九麻瑕遐皆音胡

表記引詩瑕不謂矣注瑕之言胡也械樸遐不作人潛夫
論德化篇作胡不作人遐之通作胡猶假之通固矣

宣昭義問既順迺宣秉心宣猶宣哲維人其

下侯旬來旬來宣

宣昭義問箋云宣徧公劉既順迺宣傳云宣徧柔秉心

宣猶江漢來旬來宣離宣哲維人箋竝曰宣徧也宣徧釋

言文說文內部宣天子宣室也宣無徧義訓徧者旬之

段借字也說文旬徧也十日爲旬桑柔其下侯旬傳旬言陰均也正義曰釋言云旬均也李巡曰洵徧之均也江漢來旬來宣傳旬徧也說文玉部珣醫無閭之珣巧璣周書所謂夷玉也从王旬聲一曰玉器讀若宣段玉裁曰爾雅璧大六尺謂之宣郊祀志有司奉瑄玉詛楚文設用吉王宣璧皆卽珣字說文新附攷曰瑄通作宣亦作珣珣正字宣借字瑄俗

旬之通作宣亦猶珣之通作宣與瑄矣

宣昭義問 無非無儀 儀式荆文王之典
宣昭義問傳義善釋文義毛音儀正義曰義善釋詁文案今釋詁作儀善小雅斯干無非無儀箋云儀善周頌我將

毛八

三

儀式荆文王之典傳儀善義儀古今字尸鳩其儀一兮箋云儀義也楚茨禮儀卒度韓詩外傳四作禮義卒度書文侯之命父義和鄭注義讀爲儀周禮肆師治其禮儀以佐宗伯注故書儀爲義鄭司農云義讀爲儀古者書儀但爲義今皆所謂義古書爲誼大司徒注小宗伯注故書儀爲義典命注故書儀作義春秋隱元年邾儀父漢書鄒陽傳作義父師古曰義讀曰儀楊信碑追念義荆卽儀荆呂氏春秋閭閻有臣文之儀墨子作文義號叔大林鍾銘威儀作威義禮記樂記制之禮義漢書禮樂志義作儀

宣昭義問 令聞不已

宣昭義問正義釋毛云常布其善聲問於天下案義問卽第二章之令聞義與令皆善也問聞古字通疊聲文王令聞不已墨子明鬼下篇作令問不已江漢令聞不已北堂書鈔帝王部七作令問不已卷阿令聞令望釋文聞音問本亦作問荀子正名篇爾雅釋詁疏文選王融曲水詩注史孝山出師頌注引詩竝作令問令望文王有聲箋有令聞之聲者釋文問本亦作問左氏襄三十一年傳令聞長世釋文問本亦作問文選景福殿賦注引作令問長世論語回也聞一以知十釋文聞如字本或作問說文問與聞皆从門聲聲同故字通也

毛八

四

天難忱斯 其命匪諶

大明天難忱斯傳忱信也蕩其命匪諶傳諶誠也箋云其教道之非當以誠信使之忠厚乎案說文諶誠諦也从言甚聲詩曰天難諶斯忱誠也从心尤聲詩曰其命匪忱與詩字互易漢書貢禹傳後漢書胡廣傳春秋繁露天地陰陽篇潛夫論上列篇續漢書律厯志論引詩竝作天難諶斯書大誥天棐忱辭漢書孔光傳及敘傳注竝作天棐諶辭康誥天畏棐忱釋詁注作天威匪諶釋文諶今作忱風俗通十反篇書曰天威棐諶文選班固幽通賦實棐諶而相訓注諶與忱古字通諶又作訖韓詩作天難訖斯說文

燕代東齊謂信曰訖釋詁注引方言燕代東齊曰謹廣韻
二十一侵謹誠也爾雅云信也懃訖忱竝同

大任有身 載震載夙

大任有身傳身重也箋云重謂懷孕也釋文重直勇反又
直龍反正義云以身中復有一身故言重案釋文正義皆
誤重乃動之省文一切經音義卷一引詩大任有娠卷八
引詩傳曰娠動也謂懷胎孕名也字正作動則重卽動字
明矣身與娠通娠又與震通生民載震載夙傳震動箋云
於是遂有身而肅戒不復御大明傳之身重卽生民傳之
震動淮南子精神訓文子九守篇廣雅釋親竝云八月而

毛八

五

動九月而躁十月而生動以懷妊八月言也身與震皆娠
之借字說文女部娠女妊身動也漢書高帝紀已而有娠
孟康曰娠音身漢史身多作娠古今字也應劭曰娠動懷
妊之意左傳曰邑姜方娠今左傳作方震釋文震本又作
娠之慎反又音申又生民正義及爾雅釋詁疏引左傳后
緡方震今左傳作方娠釋文娠音震又音身月令注天子
所御謂今有娠者釋文娠音身一音震謂懷妊是娠震身
字竝通用

其德不回 求福不回 徐方不回 則具是違

其德不回傳回違也旱麓求福不回箋云不回者不違先

王之道常武徐方不回箋云回猶違也案回卽違之段借違背也小顧則具是違箋云謀之善者俱背違之書堯典靜言庸違左氏文十八年傳吳志陸抗傳作靖諧庸回論衡明暗篇作靖言庸回左氏昭二十六年傳君無違德論衡作回德集韻十五灰回古作違韋此回違字通之證違背字當作韋說文章相背也从舛口聲韋經音辨韋違行也音回爾雅釋訓釋文洄沈音回郭音韋

有命既集 就其深矣 就其淺矣 言就爾居 言就爾宿 以就口食 三事就緒 將予就之

有命既集傳集就案此依就之就與就其深矣就其淺矣

毛八

六

言就爾居言就爾宿以就口食三事就緒將予就之就同集就古字通小顧是用不集韓詩外傳作是用不就書顧命用克達殷集大命漢石經集作就大戴禮眾則集寡則謬吳越春秋同病相憐同憂相救驚翔之鳥相隨而集瀨下之水回復俱畱集與謬韻與救畱韻俱讀若就周書諡法就會也俞氏樾讀就爲集引爾雅釋言集會也爲證矢于牧野 無矢我陵 以矢其音 矢詩不多 矢

其文德 有母之尸饗

矢于牧野傳矢陳也依說文當作敵皇矣無矢我陵卷阿以矢其

音傳竝曰矢陳也矢詩不多箋矢陳也江漢矢其文德傳

矢施正義謂施陳文德案說文矢弓弩矢也此本義訓陳乃借義其本字當作尸爾雅說文竝曰尸陳也祈父有母之尸饗傳尸陳也左氏桓十五年傳尸諸周氏之汪淮南子俶真訓注尸作矢此矢尸字通之證合尸矢爲一字則爲屍爾雅釋詁矢陳也釋文矢作屍廣雅屍陳也玉篇尸部屍式視切與矢同說文廣雅竝無屍

古公亶父 不寔故也 維子之故

縣古公亶父傳古言久也案久卽舊也古卽故也書無逸舊勞于外舊爲小人史記魯世家舊作久此舊久字通之證烝民古訓是式傳云古故

此讀古爲故也古訓卽故訓故訓卽詁訓爾雅釋詁李樊

毛八

七

本作釋故毛詩詁訓傳漢書藝文志作故訓傳又有齊故韓故魯故列女傳賢明篇作故訓是式經義知新記曰孔子三朝記爾雅以觀於古古卽詁也亦作故說苑奉使篇詩無通故是也此古故字通之證正義曰古公猶言先王先公其說是也又云古公言其年世久古其說非也鄭風遵大路不寔故也箋云我乃以莊公不速於先君之道故之爲先君猶古公之爲先公也唐風羔裘維子之故箋云乃念子故舊之人故之爲舊猶古之爲久也古古文故今文箋云古公據文王本其祖也蓋亦以古公爲先公趙岐孟子章句謂大王號稱古公朱子孟子集注云古公大王之本號史記周本紀古公凡十一

見大史公意亦以古公爲大王本號不如毛說爲當崔述
豐鎬考信錄謂公亶父相連成文特臆說耳

來朝走馬 左右趣之

來朝走馬箋云來朝走馬言其避惡早且疾案箋以早釋
來朝以疾釋走走當爲趣之段借說文走部趣疾也核樸
左右趣之箋云左右之諸臣皆促疾於事亦訓趣爲疾王
篇走部引詩正作來朝趣馬史記季布傳乃提趣湯徐廣
曰趣一作走是走趣字通

迺慰迺止迺左迺右迺疆迺理迺宣迺畝 迺召司空

迺召司徒 迺立皋門 迺立應門 迺立冢土

毛八

八

迺場迺疆迺積迺倉迺裏餼糧 既順迺宣 迺陟南

岡迺觀于京 既登迺依迺造其曹 既景迺岡 止

基迺理 止旅迺密 乃如之人兮

乃字繇公劉兩篇唐石經俱作迺宋本乃 迺迺見餘皆作乃抑風

日月乃如之人兮其首見也案乃正字迺借字乃說文作

乃云曳詞之難也象氣之難出也迺說文作𠂔云驚詞也

从乃省鹵聲或曰鹵往也讀若仍迺乃本非一字經典多

段迺爲乃釋詁迺乃也亦謂段借廣雅乃往也則又借乃

爲迺矣迺讀爲仍仍从乃聲乃古亦讀若仍周禮司几筵

凶事仍几注故書仍爲乃鄭司農注乃讀爲仍是也廣韻

十五海乃語辭也汝也奴海切迺古文列子湯問篇釋文迺古乃字

度之薨薨 爰究爰度 度其隰原 度其夕陽 其

究安宅 此維與宅 宅是鎬京 定申伯之宅 遂

荒徐宅 宅殷土芒芒

度之薨薨傳度居也皇矣爰究爰度傳度居也公劉度其隰原度其夕陽正義曰皇矣傳以度爲居此章之度傳意亦應爲居友人姜汝濟謂度訓居迺土之段借自土沮漆傳土居也漢書地理志注作自杜漆沮書費誓杜乃獲釋文杜本又作敷周禮雍氏注作敷乃獲土之通作度猶杜

毛八

九

之通作敷矣周禮典瑞封國則以土地注土地猶度地大司徒以土圭土其地注土其地猶言度其地土方氏以土地相宅注土地猶度地土之借爲度猶度之借爲土矣玉樹案土者人所居故土訓居字者人所守故宇訓居宅者人所居故宅訓居宅度字通經典甚眾不必讀度爲土鴻鴈其究安宅皇矣此維與宅文王有聲宅是鎬京崧高定申伯之宅閟宮遂荒徐宅元鳥宅殷土芒芒傳箋竝訓宅爲居宅古音度故度借爲宅此維與宅論衡初稟篇作此維予度宅是鎬京禮記坊記作度是鎬京書堯典宅西曰昧谷周禮縫人注作度西曰柳穀五流有宅史記五帝紀

作五流有度禹貢是降北宅土風俗通山澤篇作民乃降北度土三危既宅夏本紀作三危既度立政文王惟克厥宅心漢石經宅作度顧命恤宅宗後漢班固傳及章懷注班固典引及蔡邕注並作恤度宗漢書韋元成傳先后茲度漣漣孔懷臣瓚曰古文宅度同集均十一暮度或作庀宅二十陌宅或作度

削屢馮馮式居婁驕

削屢馮馮傳云削牆鍛屢之聲馮馮然案鍛謂椎之屢謂斂之椎之卽以斂之使之堅實也蒼頡篇鍛椎也說文作段云椎物也古無屢字當作婁角弓式居婁驕箋婁斂也

毛八

十

荀子非相篇引詩作式居屢驕

迺立冢土以社以方

迺立冢土傳冢土大社也先君曰社字古止作土亦讀若土傳以今字釋古字也甫田以社以方傳社后土也社本后土加示於其旁作社猶方爲四方加示於其旁作社白虎通曰社不謂之土何變名爲社別於眾土也漢書郊祀志社者土也敘傳見危授命誼動明主布歷燕齊叔亦相魯民息其政或金或社社與主魯韻正讀若土商頌宅殷土芒芒史記三代世表褚先生引詩作殷社芒芒土之增爲社猶社之省爲土矣左傳昭二十二年前城人敗陸渾

於社釋文社或作杜杜亦與土通如桑土亦作桑杜相土亦作相杜是也

柞械拔矣 實發實秀

柞械拔矣箋云今以柞械生柯葉之時使大夫將師旅出聘問其行道士眾兌然不有征伐之意案鄭以生柯葉釋經之拔蓋讀拔爲發發生也生民實發實秀傳發盡發也箋云發發管時也正義釋發爲生淮南子主術訓是故草木之發若烝氣高誘注亦訓發爲生拔與發古字通用禮記檀弓下公叔文子卒注文子衛獻公之孫名拔一作發世本作文子拔左傳作公叔發氓鱣鮪發發說文作鱣鮪

毛八

十

鰕鰕七月一之日感發說文作燂煖荀子引詩武王載發說文引詩作載煖說文中部煖讀若撥鳥部鰕讀若撥爾雅釋蟲鰕蟻考工記梓人注作發皇玉篇衣部被重文作發廣韻十月颶訓疾風與發同方伐切卽匪風發兮颶風發發之發

行道兌矣 大風有颶 舒而脫脫兮

行道兌矣傳兌成蹊也案左氏宣十一年傳牽牛以蹊人之田注蹊徑也後漢書張衡傳不識蹊之所由注蹊路也廣雅釋室蹊道也漢書李廣蘇建傳贊下自成蹊注蹊謂徑道也兌訓成蹊蓋遂之假借說文遂邑中道也桑柔大

風有隧傳隧道也隧爲遂之俗初學記天部引詩作大風有遂檀弓齊莊公襲莒於奪注隧奪聲相近或爲兌此隧兌字通之證衛風碩人說于農郊箋說當爲穉史記酈陸列傳乃奉百金往稅集解引韋昭曰衣服曰稅稅當爲穉兌之通作隧亦猶說稅之通作穉矣箋云其行道士眾脫然不有征伐之意釋文脫通外反本亦作兌正義本作兌野有死麕傳脫脫舒遲也箋意以行道兌矣爲行道舒遲校勘記曰箋以兌爲脫之段借直於訓釋中改用脫字以顯之其不云讀爲者省文之例每如此也當以釋文本爲長爾雅釋草釋文兌字或作蕪兌之作脫猶兌之作蕪矣

毛八

三

予曰有奔奏 駿奔走在廟

予曰有奔奏箋云奔奏使人歸趨之釋文作本奏云本本亦作奔奏本亦作走正義本作奔走周頌清廟駿奔走在廟奔走正字本奏借字走字有奏音故奏借爲走左氏襄二十三年傳奉君以走固宮釋文走如字一音奏史記商君傳走商邑索隱曰走音奏走向也蒙恬傳北走琅邪索隱曰走音奏猶向也張釋之傳此走邯鄲道也如淳曰走音奏趨也

追琢其章 敦琢其旅

棧樸追琢其章傳追彫也金曰彫玉曰琢箋云周禮追師

掌追衡筭則追亦治玉也釋文追對回反案追當讀彫荀
子富國篇引詩彫琢其章毛用師說故讀追爲彫此與皇
匡甲狎例同說苑引詩亦作彫琢其章天官序官追師注
治玉石之名釋文追丁回反一曰雕彫彫字通說文作瑠
周頌有客敦琢其旅正義曰敦琢治玉之名敦彫古今字
釋文敦都回反徐又音彫蓋敦琢之爲彫琢猶敦弓之爲
彫弓也追琢敦琢皆卽彫琢追敦彫一聲之轉

烈假不瑕胡然厲矣以謹醜厲誰生厲階降
此大厲

思齊烈假不瑕箋云烈假皆病也瑕已也釋文烈鄭作厲

毛八

力世反又音賴正義曰鄭讀烈假爲厲瘕故云皆病也說
文云厲惡疾也說文作癘或作癩瘕病也是厲瘕皆爲病之義

也案正月胡然厲矣傳厲惡也厲與結滅滅韻正是烈音

民勞厲韻敗大瞻叩厲韻瘵届正是賴音毛傳竝曰厲惡

也桑柔誰生厲階傳亦曰厲惡也訓惡與訓病是一義烈

與厲古通用唐公房碑作厲蠱不瑕集韻十四泰作厲假

不瑕禮記祭法厲山氏魯語作烈山氏莊子齊物論厲風

卽烈風周禮厲禁皆卽遮烈之烈公羊傳大痢卽大癘廣

韻十三祭癘重文作痢癘重文作痢痢重文作癘此與皇

烈假不瑕德音不瑕

箋訓假爲病讀假爲瑕訓瑕爲已讀瑕爲假狼跋德音不瑕傳瑕過也箋云不瑕言不可疵瑕也正義曰瑕者玉之病玉之有瑕如人之有過故以爲過箋言無可疵瑕者亦是玉病言周公終始皆善爲無疵瑕也此訓病之假當作瑕也釋詁假已也曲禮天王登假鄭注假已也此訓已之瑕當作假也莊十四年左傳傳瑕單行本史記鄭世家索隱作甫假漢書古今人表公肩瑕師古曰卽公肩假是瑕假古字通用正義謂鄭讀假爲瘕說文瘕爲女病素問所謂血凝爲瘕也六經無瘕字孔說非是

烈假不瑕

湯孫奏假

設假無言

錫爾純嘏公純

毛八

古

嘏爾常矣

伊嘏文王

俾緝熙于純嘏

天錫公純

嘏

於我乎夏屋渠渠

不長夏以革

肆于時夏

烈假不瑕傳烈業假大也正義釋毛云王之功業廣大豈不長遠乎商頌那湯孫奏假烈祖設假無言傳竝曰假大也案假乃嘏之借字郊特牲嘏大也說文古部嘏大遠也釋詁注引詩作湯孫奏嘏左氏昭二十年傳引詩作設嘏無言賓之初筵錫爾純嘏卷阿純嘏爾常矣傳竝曰嘏大也禮記曾子問不旅不假注假讀爲嘏禮運祝嘏辭說釋文嘏本或作假士冠禮宜之于假藝文類聚禮部通典禮十九竝引作宜之于嘏尙書大傳漢書律厯志竝曰夏假

也廣雅釋言作夏假是假假古字通用我將伊假文王箋云受福曰假釋文假古雅反毛大也正義曰毛於假字皆訓爲大此假亦爲大也此說是也載見俾緝熙于純嘏門官天錫公純嘏假字毛意俱當訓大正義以箋義申毛非是興化孫王鉞謂假訓大乃夏之段音秦風於我乎夏屋渠渠大雅不長夏以革周頌肆于時夏傳竝訓夏爲大尙書天惟五年須夏之子孫皇矣箋作須假漢書高帝紀發兵拒之陽夏鄭氏曰夏音假借之假是夏假字通之證方言凡物之壯大者謂之夏周鄭之間謂之假詩以假爲夏亦周人之方言也

毛八

五

古之人無斃 擇三有事 擇有車馬

古之人無斃傳訓斃爲厭箋改斃爲擇云古之人謂明王也口無擇言身無擇行以身化其臣下故令此士皆有名譽於天下成其俊乂之美也案呂東萊讀詩記引董氏道云韓詩作古之人無擇康成先從張恭祖通韓詩箋毛詩亦閒取韓說毛作斃而韓作擇者擇與斃皆畢聲也毛詩擇字兩見十月之交擇三有事擇有車馬

其政不獲 正是四國 正是國人 噲噲其正 覆

皇矣其政不獲釋文政如字政政教也鄭作正正長也尸

鳩正是四國正是國人斯于噲噲其正節南山覆怨其正
正月今茲之正雨無正正大夫離居予鳥正域彼四方傳
箋竝曰正長也案正與政古字通節南山不自爲政禮記
緇衣作不自爲正詩大序正得失釋文正本又作政書甘
誓御非其馬之正史記夏本紀正作政湯誓舍我稽事而
割正殷本紀正作政周禮凌人掌冰正注故書正爲政禮
記深衣以直其政注政或爲正月令班馬政呂氏春秋仲
夏紀政作正左氏文六年傳棄時政也漢書律厯志政作
正史記秦始皇本紀始皇名政徐廣曰政一作正說文支
部政从支正亦聲

毛八

夫

此維與宅何以予之何錫予之雖無予之又何
予之天子所予維予侯興降予卿士勿予禍
適

乃眷西顧此維與宅箋云乃眷然運視西顧見文王之德
而與之居案與乃予之段借說文與黨與也从舛从与予
推予也象相予之形漢書郊祀志谷永傳正作此維與宅
千旄何以予之采菽何錫予之雖無予之又何予之天子
所予大明維予侯興長發降予卿士殷武勿予禍適予皆
推予之子非予我之子予今文與古文何以予之論衡率
性作何以與之何錫予之白虎通考黜作何錫與之楚茨

傳賁子也釋文正義子作與曲禮上生與來日注與或爲子左氏定十年傳朱其尾鬣以與之漢書五行志與作子論語抑與之與隸釋載漢石經作意子之與君孰與足谷永傳作君孰子足荀子成相篇賢者予注子讀爲與大略篇然而有所共子也注子讀爲與

其作之屏之大載芟載柞

作之屏之傳箋於作字無訓正義云攻作之蒙案作當讀爲柞攻卽柞氏掌攻草木之攻周頌載芟載柞傳除草曰芟除木曰柞正義引秋官柞氏掌攻草木及林麓作卽柞之借字故以攻釋之漢書宣帝紀往來長楊五柞宮師古

毛八

七

曰柞字或作柞音同司馬相如傳振師五柞習馬長楊師古曰柞與柞同燕刺王旦傳待詔五柞宮師古曰柞讀與柞同作之屏之作卽柞字之省

其蓄其翳 殪此大兕

其蓄其翳傳木立死曰蓄自斃曰翳案翳爲殪之段借吉日殪此大兕傳殪一發而死翳訓斃與殪訓死義同韓詩正作其蓄其殪文選張景陽襍詩翳翳結繁雲注引毛詩殪殪其陰云翳與殪古字通翳之通作殪猶翳之通作殪矣釋名殪翳也就隱翳也

串夷載路 射則貫兮 混夷駢矣

串夷載路傳串習夷常路大也釋文串古患反本又作患齊風猗嗟射則貫兮箋貫習也釋文貫古患反案串貫皆擯之段借說文擯習也又作遺說文亦云習也玉篇一部串古忠切習也或爲慣遺是部遺古忠切習也亦作串一切經音義卷九卷十七串古文擯遺二形卷十八慣又作串擯遺三形同古患反華嚴經音義一慣古患反鄭箋詩曰慣習也字宜从才或有作串者爾雅串貫竝訓習亦猶崇嵩竝訓高過曷竝訓止貉莫竝訓定隕碩竝訓落字異而音義則同箋云串夷卽混夷西戎國名也釋文混音昆絲混夷駮矣釋文混音昆孟子大王事昆夷字作昆串與貫通貫與昆通釋名昆貫也禹貢瑤琨漢書地理志作瑤瓊韋昭瓊音貫說文玉部琨重文作瓊惠棟詩經古義曰一說說文無串字古患字作患爾乃古貫字晉姜鼎云令俾聿通楊南仲訓爲毋與貫同棟案明堂位云崇鼎貫鼎大璜封父龜鄭氏云崇貫封父皆國名貫與昆同物同音故縣詩謂之混皇矣詩謂之串尙書大傳云文王受命四年伐大夷六年伐崇鄭注云大夷混夷也皇矣伐崇之詩時混夷已平故云載路崇鼎貫鼎皆伐二國時所得之寶故與封父同稱則串夷之爲貫無疑矣

串夷載路 靡有夷屆 靡有夷瘳 民之秉彝

串夷載路傳夷常瞻卬靡有夷屆傳夷常箋云爲之無常亦無止息靡有夷瘳箋云爲之亦無常無止息正義曰夷常釋詁文彼夷作彝音義同烝民民之秉彝傳彝常正義本作夷云夷常釋詁文孟子引詩作民之秉彝趙注夷常也潛夫論引詩亦作秉夷案說文夷平也東夷之人也彝宗廟常器也夷訓常乃彝之段借書洪範是彝是訓史記宋微子世家作是夷是訓明堂位夏后氏以雞夷注夷讀爲彝周禮司尊彝注引作雞彝夷狄字亦段彝爲之魏元丕碑彝戎賓服

帝省其山度其鮮原

毛八

九

帝省其山箋省善也案省乃鮮之段借鮮本魚名乃味之美善者故引伸之又訓善弟六章度其鮮原箋云鮮善也新臺籛籛不鮮北山鮮我方將車牽鮮我覲爾箋竝曰鮮善也釋文鮮息淺反禮玉藻唯君有黼裘以誓省釋文省依注作獮息淺反明堂位秋省釋文省讀爲獮仙淺反史記魯世家索隱字或作鮮或作獮是省鮮獮竝通用字之通段存虓聲省與鮮同息淺反故相通也

柞械斯拔

臨衝蒹葭

柞械斯拔箋云天旣顧文王乃和其國之風雨使其山木茂盛正義曰柞械拔然而茂盛案說文拔擢也拔無茂盛

之義鄭云茂盛者蓋以拔爲苒之段借弟八章臨衝苒苒

傳苒苒彊盛也廣雅釋訓苒苒茂也王氏疏證云爾雅覲

苒苒離也郭璞注謂草木之蔥龍翳菴是苒爲茂也說文

多草不可行从草弗聲草多卽是茂盛重言之則曰苒苒弗聲反聲之字古

通用易旣濟六二婦喪其苒荀爽本作紱文選曹子建責

躬詩要我朱紱注毛詩曰朱苒斯皇苒與紱同樂游應詔

詩注云黻與苒古字通生民以苒無子箋弗之言祓也御

覽五百二十九引鄭記作以祓無子卷阿苒祿爾康矣爾

雅釋詁注作祓祿康矣爾雅釋水紱纒維之釋文紱又作

紱莊子天運孰居無事而披拂釋文拂司馬本作斐此拔

與苒通之證

毛八

三

因心則友 瑣瑣姻亞

因心則友傳因親也案因乃姻之段借節南山瑣瑣姻亞

正義曰瑣瑣然昏姻親亞之小人言親而不賢又云戒王

勿厚任親戚是姻爲親也正義釋傳云周禮六行其四曰

姻往云姻親於外親是因得爲親孔冲遠亦以因爲姻之

借字我行其野不思舊姻白虎通嫁娶作不惟舊因論語

因不失其親集解引孔曰因親也說文繫傳通論作姻不

失其親南史王元規曰姻不失親唐張說碑同左氏襄四

年傳伯因史記夏本紀正義引世紀作伯姻

載錫之光 四牡脩廣 於薦廣牡

載錫之光傳光大也案光乃廣之段借說文廣殿之大屋也六月四牡脩廣雖於薦廣牡傳竝曰廣大也敬之學有緝熙於光明傳光廣也正謂段借昊天有成命傳熙廣也箋云廣當為光是廣與光通水經注濟水篇今防門北有光里齊人言廣音與光同即春秋所謂守之廣里者也書堯典光被四表魏志文帝紀注引獻帝傳曰廣被四表漢咸陽靈臺碑曰爰生聖堯名蓋世兮廣被之恩流荒外兮廣被即光被經傳考證帝光天之下光與廣同穀梁倬十五年傳故德厚者流光光與廣同易義述聞曰易象傳知

毛八

三

光大也以光大也未光大也施未光也道未光也中未光也志未光也光即廣也光大即廣大也爾雅釋獸回毛在背闕廣釋文廣音光皆其證說文角部觶从角黃聲廣从

廣从聲俗作觥系部續或作統廣韻十一唐韞重文作軌左氏

經襄二十年陳侯之弟黃穀梁黃作光江漢武夫洸洸鹽鐵論作武夫潢潢釋訓洸洸赴武也舍人本作僨僨釋

言桃充也鄭注禮記樂記孔子閒居皆云橫充也說見爾雅校勘記說文黃地之色也从从茷茷亦聲茷古文光亦其例

猶其德音 君婦莫莫

猶其德音傳猶靜也箋云德正應和曰猶釋文猶作貉云

本作豹正義曰左傳樂記韓詩豹皆作莫釋詁云豹莫定也郭璞曰皆靜定也義皆爲定聲又相近讀非一師故字異也案說文有貉無貉訓北方豸種卽韓奕追貉之貉其德音貉乃莫之假借史記樂書引詩亦作莫其德音楚茨君婦莫莫傳莫莫清靜而敬至也本詩求民之莫版民之莫矣傳竝曰莫定也定亦靜也莫通作寞文選西征賦注引韓詩章句寞靜也又作嘆說文嘆啾嘆也玉篇嘆靜也莫說文作𦉳日且冥也卽今朝暮字萬物至莫皆靜故引伸之訓靜訓定嘆寞暮皆後出之字荀子非十二子篇莫莫然楊倞注莫讀爲貉貉靜也楊不知莫爲正字

毛八

三

貉爲借字說故若此

王此大邦 有皇上帝 皇尸載起 獻之皇祖 無

忝皇祖 繼序其皇之 假哉皇考 思皇多詒 於

皇武王 於乎皇考 念茲皇祖 於乎皇王 休矣

皇考 皇以聞之 於皇時周 皇祖后稷

王此大邦箋云王君也案王與皇古字通正月有皇上帝

傳皇君也楚茨皇尸載起信南山獻之皇祖烈文繼序其

皇之載見思皇多祜武於皇武王桓皇以聞之般於皇時

周箋竝曰皇君也瞻卽無忝皇祖正義云無是辱汝君祖

誰假哉皇考箋云嘉哉君考相臺本 閔予小子於乎皇考箋

云於乎我君考念茲皇祖箋云念此君祖於乎皇王箋云於乎君王訪落休矣皇考箋云美矣我君考闕宮皇祖后稷箋云君祖后稷說文皇大也从自自始也始皇者三皇大君也儀禮聘禮記賓入門皇注古文皇皆作王書洪範皇極之敷言史記宋微子世家作王極之傳言莊子天運三王五帝之治天下釋文本或作三皇破斧四國是皇傳皇匡也法言先知作四國是王注王匡也春秋繇露深察名號篇王者皇也

無然畔援 伴奂爾游矣 繼猶判渙

無然畔援箋云畔援猶跋扈也案卷阿伴奂爾游矣箋云

毛八

垂

伴奂自縱弛之意縱弛與跋扈義近訪落繼猶判渙傳判分渙散分散與縱弛義近美惡不嫌同詞卷阿釋文伴音判徐音畔是伴判畔字通之證漢書敘傳項氏畔換黜我巴漢師古曰畔換強恣之貌猶言跋扈也詩大雅皇矣篇曰無然畔換文選魏都賦曰雲徹叛換劉涓林注叛換猶恣睢也皆本鄭箋爲說玉篇引詩作無然伴換左氏襄二十七年經陳孔奂公羊作孔瑗釋文孔瑗二傳作孔奂鶡冠子武靈王篇武靈王問龐煥陸佃注煥一作煖援之通作奂與渙亦猶援之通作換瑗之通作奂煖之通作煥矣

侵阮徂共 侵自阮疆 度其鮮原

侵阮徂其傳云密須氏侵阮遂往侵其正義云毛以徂爲
往故云遂往侵其以阮其爲周地爲密須所侵箋以阮徂
其爲三國義本魯詩王肅孔晁孫毓力排鄭說張融又護
鄭而攻晁羣議紛呶訖無定論玉樹案此章分三段讀韻
亦三易帝謂文王無然畔援無然歆羨誕先登于岸援羨
岸爲一韻密人不恭敢距大邦邦古讀如封侵阮徂其恭邦其
爲一韻王赫斯怒爰整其旅以遏徂旅以篤周祜以對于
天下音戶怒旅旅祜下爲一韻敢距大邦二句承上密人不
恭而言卽不恭之皐狀也爰整其旅承上王赫斯怒而言
卽赫怒之情事也以篤周祜二語則又因其出師有功而

毛八

齒

頌美之也條理本極分明箋以侵阮徂其連下二句讀屬
之文王音韻旣乖且先言侵而後言赫怒整旅亦且語無
倫次不如毛以侵阮徂其屬之密人于文義爲順也其卽
涇州北五里之其池見方輿紀要阮卽度其鮮原之原漢
書地理志五原郡廣韻二十二元引史記作五阮郡說文
自部阮代郡五阮關也漢志代郡下作五阮關是原與阮
古字通用阮邑受密人侵擾故度地築城扼其衝要毛詩
用字例不畫一或作阮或作原一而已矣阮之通作原亦
猶說文榮蜎爾雅方言作蠨蠨爾雅釋蟲音義蠨蠨字林作蜎春秋鄭伯
髡頑公穀作髡原也

以按徂旅 無遏爾躬 式遏寇虐 勝殷遏劉

以按徂旅傳按止也釋文按安旦反本又作遏安葛反文王無遏爾躬民勞式遏寇虐武勝殷遏劉傳箋竝曰遏止也案說文按下也遏微止也遏正字按借字孟子引詩作以遏徂莒毛詩稽古篇云按字竝無遏音韻會始收按字入七曷韻朱傳按亦音遏豈宋世有此俗音乎玉樹案此說非凡字之相通者非聲同卽聲近非聲近卽聲轉未有音不相涉而字可互通者也集傳按音遏據詩釋文與孟子不誤說文頁部頰鼻莖也从頁安聲或从鼻曷聲作𪔐徐音烏割切山海經邊春之山有獸名幽鷓郭注鷓音

毛八

垂

遏廣韻十二曷烏割切紐內有胥字注云內敗臭論語作𪔐又有𪔐字頰鷓胥𪔐可音遏按字何獨不可音遏

度其鮮原 陟則在獻 斧以斯之 無獨斯畏

度其鮮原傳云小山別大山爲鮮案爾雅釋山小山別大山鮮釋名作獻公劉陟則在獻傳獻小山別於大山也禮記月令天子乃鮮羔開冰呂氏春秋亦作獻鮮之通作獻亦七月箋引作獻羔開冰呂氏春秋亦作獻鮮之通作獻亦猶鮮之通作獻矣鮮訓別又斯之借字版無獨斯畏箋云斯離也釋言亦云斯離也離卽別也墓門斧以斯之傳云斯析也說文亦云斯析也析亦離也鮮與斯古字通用爾

雅釋詁鮮善也釋文鮮本或作誓沈云古斯字瓠葉有兔
斯首箋云斯白也今俗語斯白之字作鮮齊魯之間聲近
斯釋文斯鄭作鮮音仙蓼莪鮮民之生卽斯民之生書無
逸惠鮮鰥寡卽惠斯鰥寡阮氏元說說文鮮魚名魯奚斯
字子魚斯爲鮮之段借金鶚說先君曰王赫斯怒箋云斯
盡也斯蓋鮮之段音易繫辭上傳君子之道鮮矣釋文鮮
悉淺反師說云盡也又云公劉篇于胥斯原斯原卽皇矣
之鮮原亦卽此章之蠟原斯原合言之也陟則在蠟復降
在原分言之也毛詩紉義曰魚鼈鮮魚鮮當讀如斯爾雅
釋言斯離也斯離其魚卽是作膾古文尙書撰異曰析支
讀若斯

毛八

美

大戴禮作鮮支古音斯與析同部同紐同義蠡斯亦作蠡
舊史記司馬
相如傳則生葳斯
芑荔漢書斲作析
與爾臨衝 臨衝閑閑 臨衝芾芾 蘊隆蟲蟲

與爾臨衝傳臨臨車也衝衝車也釋文臨如字韓詩作隆
衝案臨借字隆正字淮南子汜論訓隆衝以攻鹽鐵論衝
隆不足爲強字竝作隆雲漢篇蘊隆蟲蟲傳云隆隆而雷
漢書五行志沛城鐵官鑄錢鐵不下隆隆如雷聲楊雄傳
下隆隆者絕注隆隆雷聲也後漢書張衡傳豐隆軒其震
霆兮注豐隆雷也隆車取隆隆如雷聲之義後漢書袁紹

傳操乃發石車擊紹樓皆破軍中呼曰霹靂車注以其發石聲震烈諱爲霹靂卽今之拋車也隆車卽霹靂車之類霹靂亦靄也呂其聲如靄故亦謂之靄周禮職金注槍雷椎棹之屬釋文雷沈云當爲礪埤蒼礪推石自高而下也雲漢上帝不臨臨韻蟲宗躬司馬相如長門賦君曾不宥兮幸臨臨與宮韻皆讀爲隆臨古有隆音故毛詩段臨爲隆漢書地理志河內郡隆慮卽荀子臨慮後漢郡國志林慮

鹿躍子淵

靈臺鹿躍躍傳躍躍娛遊也案娛樂也遊行也

版傳游行也

毛八

毛

躍躍卽躍躍之異文獸娛樂則跳躍而行故以娛遊釋躍躍箋申之云鳥獸肥盛喜樂言得其所旱麓魚躍于淵箋云魚跳躍於淵中喻民喜得所正義曰魚皆跳躍於淵中而喜樂是躍有娛樂之意爾雅釋訓赫赫躍躍迅也釋文躍余斫反樊本作濯引詩釋云濯濯厥靈是濯躍字通之證濯卽下文於物魚躍之躍變文以爲韻故字作濯興化孫王鉞云濯濯訓娛遊濯讀如逍遙之逍如梓人注耀讀爲哨之比羔裘傳以逍遙爲遊燕白駒箋以逍遙爲遊息文選南都賦注引韓詩章句逍遙遊也

於論鼓鍾 有倫有脊

於論鼓鍾傳論思也箋云論之言倫也於得其倫理乎鼓與鍾也案論卽有倫有脊之倫彼傳云倫道也道亦理也傳訓爲思者說文亼部侖思也侖部侖理也是思卽理也傳箋蓋一義釋文論鄭音倫正義曰倫理之字宜爲倫故曰論之言倫儀禮公食大夫禮倫膚也注今文倫或作論荀子性惡篇少言則徑而省論而法注論或爲倫莊子齊物論有倫有義釋文崔本作有論有議孟子憂心悄悄愠于羣小孔子也注孔子論此詩焦循曰論與倫通中庸毛猶有倫注倫比也謂孔子比擬此詩

於樂辟靡

鎬京辟靡

如圭如璧

圭璧旣卒

毛八

天

於樂辟靡傳云水旋丘如璧曰辟靡案毛讀辟爲璧與如圭如璧圭璧旣卒之璧同說文璧瑞玉圓也从王辟聲凡言辟靡皆璧之段音正義引韓詩說云辟靡者天子之學圓如璧壅之以水示圓言辟取辟有德不言辟水言辟靡者取其靡和也校勘記曰取辟有德辟當作璧又正義引盧植禮記注引圓之以水佯辟故謂之辟靡校勘記曰圓之以水佯辟閩本明監本毛本辟作璧所改是也古璧擗蹙避譬闕辟襃僻霹皆借用辟史記宋世家子辟公辟兵立索隱曰紀年作桓侯璧兵

昭茲來許

飲御諸友

下武昭茲來許傳許進也案說文許訓聽言無進義訓進者御之段借字也小雅六月篇飲御諸友傳御進也說文御使馬也使馬有驅之前進之義故引伸之又訓進獨斷云御進也廣雅釋詁御進也國語晉語朱也當御注御進也周禮天官序官女御注御猶進也續漢書祭祀志注東平王蒼引詩正作昭哉來御當是三家詩用今文也許从午聲御从卸卸亦午聲故相通

適駿有聲適求厥甯適觀厥成又適追來孝歲聿其莫歲聿其逝王我征聿至聿脩厥德聿懷多福

又王報我不述

毛八

堯

文王有聲篇適駿有聲適求厥甯適觀厥成箋云適述駿大求終觀多也文王有令聞之聲者乃述行有令聞之聲之道所致也所述者大王王季也又述行終其安民之道又述行多其成民之德適追來孝箋云乃述追王季勤孝之行案說文辵部適回避也適無述意訓述乃聿之段借聿卽筆也說文楚謂之聿吳謂之不律燕謂之弗秦謂之筆筆所以著述故訓述釋名筆述也是也文王聿脩厥德傳聿述大明聿懷多福箋云聿述正義曰述行此道思得多福東山我征聿至箋云我君子行役述其日月今且至矣述字正義經之聿螺蠶歲聿其莫傳云聿遂遂讀與述同鄭志答張遜問述者述其故事也述讀如

遂車不諫之遂春秋文十二年秦伯使術來聘公羊術作遂禮記月令注術周禮作遂學記注術當爲遂此述遂字通之明

述循也循行也歲聿其莫謂歲循行至於莫也或證也
以聿爲語詞失傳意矣適聿古字通用適追來孝禮記禮器後漢書李固傳魏志明帝紀注竝引作聿追來孝楚茨神保聿歸宋書樂志作神保適歸絲聿來宵宇箋聿自正義曰聿自釋詁文今釋詁作適自抑正義引爾雅亦作聿自皆其證或曰適聿訓述卽述之段借釋文適尹橘反又音述召顛釋文適音聿又音述書康誥祗適乃文考釋文適音聿又音述釋詁適自也釋文適孫云古述字讀聿釋言適述也釋文適古述字釋訓不適不蹟也釋文適古述

毛八

字一音聿聿脩厥德漢書東平思王字傳後漢書呂強傳聿作述是適聿述竝通用日月報我不述傳述循也

王公伊濯 濯征徐國 倬彼雲漢 械僕雲漢 倬彼昊天

王公伊濯傳濯大常武濯征徐國傳同案濯乃倬之段借說文倬訓箸大械僕傳倬大也桑柔箋倬明大貌雲漢疏倬然而明大卓聲翟聲古相通晉書音義上倬亦權字廣韻二十三效倬重文作權是其例

豐水有芑 集于苞杞 言采其杞 杖杜北山 隰有杞棘

豐水有芑傳芑草也案禮記表記引此詩鄭注芑枸櫞也正義曰芑枸櫞釋木文孫炎云則今枸芑也今釋木作杞

枸櫞四牡集于苞杞四月隰有杞棗傳竝曰杞枸櫞枸櫞而謂之草者此有草木二種生山中皆木生水邊皆草故爾雅入釋木廣雅入釋草正義以爲苞菜杜言采其杞箋云杞非常菜也正義云我采其杞木之菜北山言采其杞疏云我采其杞菜之葉蓋枸杞初生時可食故曰菜苞菜卽杞菜非薄言采苞之苞菜也說文云菜草之可食者毛以爲草孔以爲菜亦是一義苞與杞字通用山海經餘巖之山其下多荆苞厯石之山其木多荆苞榮餘之山其木多柳苞杞竝作苞左氏襄二十三年傳杞殖文選洞簾賦注作苞梁殖云苞與杞同王風不流束蒲傳云蒲草也

毛八

三

箋云蒲蒲柳案柳生水傍幹細僅與蒲類故有蒲名旣名爲蒲卽可目爲草毛以蒲爲草卽指蒲柳而言箋申毛非改毛以蒲柳爲草猶以枸櫞爲草也先君詩說有云毛詩多草木有介乎草木之間可名以草亦可名以木者采杞苞杞杞棗皆枸櫞也爾雅枸櫞列釋木廣雅入之釋草曰地筋枸杞也藹乳苦杞也杞一从草作苞禮記引詩豐水有苞注苞枸櫞也毛傳則曰苞草也陸璣毛詩草木鳥獸蟲魚疏杞亦入草類云集于苞杞杞亦名苦杞

玉樹案一名苦杞上

舊有其樹如樗四字毛晉津逮秘書本王謨漢魏叢書本竝同南山有臺釋文引陸疏亦有此四字邢昺爾雅疏無之案陸氏旣以苞杞爲草不當云其樹如樗杞雖有如樗一種陸氏所言則非觀於莖似莓子云云可知此四字非

陸氏詩釋文引作舊本一名地骨一名狗骨春生作羹茹微苦其莖似莓

子秋熟正赤莖葉及子服之輕身益氣毛傳以芑爲草正是此種蓋柯櫬生山中者榦大而高則木也生水邊者莖柔而細則草也故毛公不以南山有杞山有杞槎陟彼北山言采其杞之杞爲草而以豐水有芑之芑爲草也杞之作芑正如四牡釋文柯櫬字亦作苟其物可草可木故其字亦可草可木矣類弁蔦與女蘿傳蔦寄生也釋文曰爾雅云寓木宛童是也案陸疏以寄生入草類爾雅以寓木入釋木廣雅釋草釋木兩收之釋草曰寄屑寄生也釋木曰宛童寄生槁也蓋蔦本是草以其託根於木之上故亦

毛八

三

名之爲木蔦在說文艸部字亦从木作槁矣毛傳曰女蘿兔絲松蘿也爾雅釋草曰唐蒙女蘿女蘿兔絲廣雅釋草曰女蘿松蘿也陸璣疏云女蘿今兔絲蔓連草上非松蘿松蘿自蔓生松上神農本草松蘿一名女蘿在木部兔絲亦名兔蘆在艸部是草木有二種類弁釋文曰在草曰兔絲在木曰松蘿蓋在草則草之在木則木之本草所繇區別析言之則不同故陸疏兔絲松蘿分爲二也混言之則無別故毛傳兔絲松蘿合爲一也詩言藟皆與葛並稱陸疏云藟一名巨苽似燕莫亦延蔓生葉如艾色白其子赤可食酢而不美幽州謂之推藟廣雅列之釋草曰藟藤也

爾雅列之釋木曰諸慮山梟撮虎梟樛木釋文藟本又作梟說文艸部有藟云草也木部有藟云木也七月篇六月食鬱及藟傳藟藟藟也說文艸部藟藟藟也廣雅釋草燕藟藟舌也則藟固草矣正義云藟藟者亦是鬱類而小別耳晉宮閣銘云華林園中有車下李三百一十四株藟李一株車下李卽鬱藟李卽藟二者相類而同時熟觀於藟李之名則藟又木矣隰有藟楚傳藟楚鈔弋也說文艸部爾雅釋草竝同毛傳廣雅釋草曰鬼桃鈔弋羊桃也則藟楚固草矣楚辭七諫云伐橘柚兮列樹苦桃王逸注苦桃苦木洪興祖補注曰羊桃味苦邵晉涵爾雅正義曰因其

毛八

三

味苦謂之苦桃又山海經中山經曰豐山其木多羊桃狀如桃而方莖郭注一名鬼桃羊桃乃藟楚之異名而山海經以爲木則藟楚亦木矣廣韻十陽藟楚蔓生如桃蔓生則近草如桃則近木藟字从艸楚字从木合藟楚以爲之名則其物固介乎草木之間者也藟也藟也藟也藟楚也四者皆蔓生有榦蔓生則似草有榦則似木故草木之名未有定也太平御覽引毛詩提綱云藟一名燕藟藤唐本草注云燕藟自是千歲藟案藟但似燕藟耳若竟以爲一物則誤矣唐風椒聊之實蕃衍盈升傳椒聊椒也爾雅本草陸璣疏皆列之木部說文木部檉似茱萸出淮南字从

木艸部云茱萸菜屬茱萸也茱萸實裹如裘也字皆从艸茱卽椒字說文別無椒段玉裁曰椒實木也此沿自古籀者析言則有草木之分統言則草亦木故造字有不拘案段說非也文選景福殿賦注曹子建求通親親表注引詩椒聊之實蔓延盈升是茱萸有蔓生者神農本草云蔓椒一名家椒生雲中川谷名醫別錄云蔓椒一名豬椒一名蕘椒楚辭懷椒聊之護護兮王逸注椒聊香草也引詩椒聊且說文茱萸字从艸正與此合廣雅釋木柅檉檉越椒茱萸也檉一作菽檉一作黨說文茱萸字詩箋作椽皆因有草木兩種故耳鄭風顏如舜華傳舜華木槿也舜說文

毛八

詁

作薜引詩顏如薜華薜隸變作薜俗又作薜木槿說文月令釋草皆作木葦許書列於艸部陸疏入之木類爾雅廁之釋草而有檉檉之名字仍从木海外東經有薰華草朝生暮死郭注薰或作葦是亦以葦爲草矣爲草爲木迄無定名樊光曰其樹如李其華朝生暮死與草同氣故入草中是亦調停之說而已南山有臺篇南山有枸傳枸枳枸也陸璣疏云枸樹山木其狀如櫨一名枸骨高大如白楊所在山中皆有理白可爲函板說文木部枸枸木也可爲醬史記漢書皆云枸醬禮記內則字作椶則枸固木矣玉篇枸俱禹切其木可爲醬出蜀中亦作蒟醬含南方草木

狀以蒟醬入草部而有葦芟之名云交趾人家多種蔓生
文選蜀都賦其園則有蒟蒻菜莢注蒟蒻醬也緣樹而生
其子如桑椹熟時正青長二三寸常璩華陽國志巴志云
果實之珍者樹有荔枝蔓有辛蒟漢中志云邛竹蒲醬殊
方奇玩蜀志云荔枝薑蒟劉逵顧徽宋祁謂蒟卽扶留藤
是蒟有蔓生者不盡高大如白楊故字亦从艸說文木部
有枸艸部有蒟段玉裁謂不能定而兩存之楊之水不流
東楚傳楚木也說文林部楚箴木一名荆也艸部荆楚木
也考詩於木曰伐於草曰刈說文又芟草也或从刀作刈
楚辭離騷願俟時乎吾將刈註刈穫也草曰刈吳語而又

毛八

三

刈亡之注芟草曰刈漢廣篇曰言刈其楚言刈其芟則楚
是可刈之物當爲草矣儀禮士喪禮楚焯注楚荆也疏云
荆本是草之名是也說文荆正从艸唐本艸注子小而作
樹者曰牡荆子大而蔓生者曰蔓荆詩云刈楚蓋蔓荆也
此楚之可草可木也杞也蔦也松蘿也藟也莫也葭楚也
椒也舜也枸也荆楚也十者皆介乎草木之間若周南之
芣苢卽馬舄有謂爲西戎之木字亦作桴苢者先儒已辨
其不然矣

毛詩異文箋卷九

鹽城陳玉樹

時維姜嫄 時維后稷 寔命不同 寔命不猶

生民時維姜嫄箋時是也時維后稷箋云是為后稷案時乃寔之段借小星傳寔是也時維姜嫄時維后稷猶晉語

云寔為惠公寔為悼公魯頌云實維大王商頌云實維阿衡與此文義亦相侶實亦寔之段借也寔从宀是聲時古

文作昔从日出聲出與是古通用殷武四方之極後漢書王符傳潛夫論浮侈篇作四方是極書無逸惟耽樂之從漢書鄭崇傳論衡語增篇之作是莊子徐無鬼之狙也釋文之本或作是故

出聲是聲之字亦通用也書無逸時舊勞于外中論作寔舊勞于外說見古文尚書撰異是其證時寔又皆與是字通用巧言亂是

毛九

用饒列女傳楚考李后傳作亂時用饒秦誓是能容之是不能容禮記大學是作寔或謂時寔訓是卽是之段借說亦通

載震載夙 肅肅免冑 曷不肅雝 或肅或艾 肅

肅在廟 肅雝顯相 至止肅肅

載震載夙箋云夙之言肅也於是遂有身肅戒不復御案鄭以夙為肅之段借周南肅肅免冑思齊肅肅在廟傳並

曰肅肅敬也何彼襮矣曷不肅雝清廟肅肅顯相傳並曰肅敬雝至止肅肅箋云肅肅敬也小旻或肅或艾傳云有

恭肅者大戴禮保傳篇彘夙端冕白虎通義姓名篇引作齋肅端絕魏書引作齊肅端冕是肅夙古字通太平御覽

五百三十四引詩作載震載蕭

曰先生如達書不我活兮實函斯活載芟良耜

先生如達毛傳訓達為生說者皆不得其解段玉裁訂詩傳增一達字云達達生也其說尤謬蒙謂如讀為而傳生字乃生活之生婦人首產多難有甫生而不活者先生而達言胎之不殞也達即活之段借擊鼓不我活兮傳不與我生活也載芟實函斯活箋活生也良耜實函斯活箋云含生氣竝訓活為生達活疊韻儀禮既夕記設依撻焉注今文撻為鈛撻之通作鈛猶達之通作活矣活說文作活鈛說文作鐙皆昏聲殷武傳撻疾意也撻乃适之段借說

毛九

二

文彘部适疾也

無蓄無害 不裁我躬 無災無害

無蓄無害釋文蓄音災召旻不裁我躬釋文裁音災闕宮

無災無害釋文災字又作灾本亦作蓄案說文艸部蓄不

耕田也从艸𠂔田重文作蓄火部裁天火也从火戔聲灾

或从宀火災籀文秋古文裁災本一字蓄係段借漢書燕

刺王旦傳從高帝墾蓄除害嚴助傳是以比年凶蓄害眾

董賢傳蓄害竝臻匈奴傳下雲徹席卷後無餘蓄師古竝

曰蓄古災字書堯典蓄災肆赦史記五帝紀作省裁過赦

微子天毒降災荒殷邦宋微子世家作天毒下蓄亡殷國

五經文字蓄本側其反經典或借爲災左氏僖元年傳分災討罪周禮大宗伯疏災作裁

蓺之荏菽荏菽旆旆戎醜攸行肆戎疾不殄戎

雖小子戎有良翰纘戎祖考烝民以佐戎辟

肇敏戎功念茲戎功

蓺之荏菽荏菽旆旆傳荏菽戎菽也箋云戎菽大豆也案毛公卽讀荏爲戎荏與戎古字通用周禮天官疏引詩正作蓺之戎菽戎正字荏借字也縣戎醜攸行思齊肆戎疾不殄民勞戎雖小子烝民纘戎祖考韓奕纘戎祖考江漢肇敏戎功烈文念茲戎功毛傳竝曰戎大也崧高戎有良

毛九

三

翰韓奕以佐戎辟正義申毛竝訓爲大戎大釋詁文唐韻正二十一侵或疑侵韻在古可入東者詩七月八章二之日鑿冰沖沖三之日納于凌陰則讀陰爲雍矣雲漢二章后稷不克上帝不臨耗斁下土寧丁我躬則讀臨爲隆矣蕩首章天生烝民其命匪諶靡不有初鮮克有終則讀諶爲戎矣楚辭天問比干何逆而抑沈之雷開何順而賜封之則讀沈爲蟲矣九辯願賜不肖之軀而別離兮放游志乎霓中乘精氣之搏搏兮驚諸神之湛湛驂白霓之習習兮歷羣靈之豐豐則讀湛爲蟲矣後漢避殤帝諱改隆慮曰林慮荀子書亦作臨慮則讀林爲隆矣又易豫九四朋

盜簪苟爽本作宗詩我躬不閱表記引作今與爾臨衝韓詩作隆衝觀顧氏所言可無疑於荏之讀戎矣

瓜颺啍啍 萃萃萋萋

瓜颺啍啍傳啍啍然多實也案董氏引崔靈集注本作瓜颺萃萃說文口部啍大笑也从口奉聲讀若詩瓜颺萃萃萃萃係正字啍啍係借字王引之詩義述聞曰瓜颺啍啍毛傳曰啍啍然多實也家大人曰啍啍茂盛之兒不必專訓多實說文珙讀若詩瓜颺萃萃是啍啍本作萃萃瓜颺萃萃猶言麻麥幪幪耳說文萃艸盛也大雅卷阿篇萃萃萋萋毛傳曰梧桐盛也廣雅曰萃萃茂也是萃萃爲草木茂盛之稱孫王鉞曰未有多實而不茂盛者毛言幪幪然茂盛則麻麥之多實可知言啍啍然多實則瓜颺之茂盛自見對舉之互文也

蒹葭豐草 以弗無子

蒹葭豐草傳蒹治箋訓爲除治云后稷教民除治茂草案除者去也悉璽傳斯干釋文竝曰除去也正義曰蒹治釋詁文今釋詁作弗治是蒹與弗通首章以弗無子傳云弗去也弗與蒹皆拂之借字文選顏延年應詔讌曲水詩注引詩傳曰拂去也云拂亦作弗古字通御覽五百二十四引詩作以拂無子蒹葭豐草韓詩作拂厥豐草云拂弗也

韓用正字毛用借字儀禮既夕注拂去塵也太予從拂其惡注拂去也廣雅釋詁拂去也又曰拂除也除與去皆拂之本義成十六年左傳其右蒯翰胡周語注引作右弗

或簸或蹂 羔裘如濡

說文蹂為去之篆文云獸足蹂地也或簸或蹂箋云蹂之言潤也案鄭以蹂為濡之段借也鄭風羔裘如濡傳如濡潤澤也周頌懷柔百神釋文柔如字本亦作濡宋書樂志明堂歌曰昭事上帝懷濡上靈北堂書鈔禮儀部引毛詩懷濡百神烝民柔則茹之箋柔謂濡脆也濡脆即柔脆東門之池傳漚柔也漚柔即漚濡周禮山虞注堅濡調堅濡

毛九

五

即堅柔

釋文濡臧如 究反又音柔

史記刺客傳誠知其姊無濡忍之志

濡忍即柔忍

莊子徐無鬼釋文濡安也濡安即柔安

民勞傳抑

箋並曰 柔安也

淮南子說山訓厲利劍者必以柔砥擊鐘磬者必

以濡木濡木即柔木禮內則柔其肉注柔之為汁和也汁和亦醢醢與柔亦濡之段音下文云欲濡肉則釋而煎之

以醢是也柔之通作濡猶蹂之通作濡矣陳第毛詩古音

考濡音柔丁度集韻濡亦有而由一切廣韻十八尤柔蹂

同音耳由切是濡柔蹂並同音尤侯幽三韻與虞模相通

轉

維葉泥泥 彼爾維何

維葉泥泥傳葉初生泥泥然釋文泥乃禮反張揖作芄芄云草盛也文選蜀都賦注引詩作維葉柅柅案芄薺芄也柅柅木也鈞非正字其正字當作翫采薇彼爾維何傳爾華盛貌釋文爾乃禮反說文作爾玉篇薺草盛貌尼聲爾聲之字古通用泉水飲餞于爾韓詩爾作坭說文櫛讀若柅皆其例

莫遠具爾 父母孔邇 不遠伊邇 其室則邇 征

夫邇止 維邇言是聽維邇言是爭 柔遠能邇

莫遠具爾箋爾謂進之也案正義本作邇云邇是近義謂揖而進之令自近也汝墳父母孔邇谷風不遠伊邇東門

毛九

六

之壇其室則邇杜征夫邇止小旻維邇言是聽維邇言是爭民勞柔遠能邇傳箋竝曰邇近也爾邇古今字正義引燕禮南嚮邇卿北上邇大夫今燕禮邇作爾不遠伊邇呂氏春秋孟春紀注作不遠伊爾天保降爾遐福樛木疏引作降邇遐福孟子道在邇而求諸遠朱子集注本山井鼎考文古本邇作爾郭璞爾雅序夫爾雅者釋文爾字又作邇漢書藝文志爾雅三卷二十篇張晏曰爾近也雅正也據此爾雅字作邇爲正

四鍤旣鈞 秉國之均

四鍤旣鈞傳云鍤矢參亭陳奐曰鍤矢釋鍤參亭釋鈞四字連讀鈞者均之假借玉樹案此說是也傳以參亭釋鈞

字亭者平也史記秦始皇本紀決河亭水正義曰亭平也
酷吏傳亭疑法李奇曰亭平也均也說文均平遍也節南
山秉國之均傳均平也則鈞爲均之借字無疑矣作鈞蓋
變文以韻句舍矢既均亦有作既鈞者列女傳晉弓工妻
傳引詩舍矢既鈞鈞與均古字通秉國之均漢書律厯志
敘傳文選晉紀總論注皆作秉國之鈞翟灝四書考異曰
井地不均孟子考文補遺曰古本均作鈞宋本舊趙注本
皆作鈞左氏昭二十六年傳年鈞以德德鈞以卜後漢書
盧植傳引傳鈞作均呂刑其罪惟均史記周本紀作惟鈞
其過魏大饗碑夏啟均臺之饗左傳作鈞臺

毛九

七

舍矢既均

抑釋棚忌

說文市居曰舍从宀中象筑屋也口象築也此則舍本義
舍矢既均箋云舍之言釋也言舍爲釋之段借字也周禮
大胥春入學釋菜合舞注予謂舍卽釋也占夢乃舍萌於
四方注予謂舍讀爲釋舍萌猶釋菜也古者釋菜釋奠多
作舍字儀禮鄉飲酒禮主人釋服注古文釋作舍大射儀
獲而未釋注古文釋作舍禮記月令上丁命樂正習舞釋
菜呂氏春秋作舍菜孟子舍生取義三國志魏少帝紀作
釋生列子天瑞篇其人舍然大喜曉之者亦舍然大喜釋
文舍音釋周穆王篇化人猶不舍然釋文舍音釋皆舍釋

字通之證鄭風抑釋摠忌字作釋

令終有俶碩大且篤篤生武王則篤其慶以

篤于周祜篤公劉天篤降喪曾孫篤之

既醉令終有俶箋云俶猶厚也正義云釋詁云俶作也作事所以厚生故云俶猶厚也案正義說非是鄭以俶爲篤之段借椒聊碩大且篤大明篤生武王皇矣則篤其慶以篤于周祜公劉篤公劉召旻天篤降喪維天之命曾孫篤之傳箋竝訓篤爲厚俶从人叔聲篤从馬竹聲叔聲竹聲之字古通用左氏昭二十二年傳司馬督釋文督音篤漢書古今人表作司馬篤爾雅釋言筑拾也郝氏義疏云筑

毛九

八

通作督小爾雅云督拾也督之通作篤督之通作筑亦猶俶之通作篤矣篤厚字又作竺說文竺厚也从二竹聲

籩豆靜嘉清酒既載爾酒既清

籩豆靜嘉箋云乃用籩豆之物絜清而美案鄭讀靜爲清早麓清酒既載正義曰有清絜之酒既載而置之於尊中鼻鷺爾酒既清正義曰爾王酒既清絜矣清竝訓絜書堯典直哉惟清史記五帝紀作直哉惟靜絜史記扁鵲大倉公傳肝氣濁而靜集解引徐廣曰靜一作清是靜與清古字通用清古音淨采蘋箋尙柔順自絜清釋文清如字又音淨今淨絜字古作澗清與澗古本一字而說文分爲二

說本說文 籩豆靜嘉靜卽澗之省

景命有僕 其僕維何 君曰卜爾 卜爾百福

景命有僕傳僕附也案附與付同謂付子書梓材皇天既付中國民釋文

付馬本作附周禮小司寇附刑罰注故書附作付 箋謂附箸失之正義曰以僕御

必附近于人故以僕為附望文生義尤誤僕乃卜之段音

釋詁卜子也天保君曰卜爾楚芟卜爾百福傳箋竝曰卜

子也卜僕古字通禮記檀弓上下人師扶右注卜當作僕

釋文卜依注音僕廣韻樸重文作朴璞重文作朴樸亦作朴

作皆其例

釐爾女士 釐爾圭瓚 徂賚孝孫 賚 賚我思成

毛九

九

釐爾女士傳釐子也案說文釐訓家福傳訓子者謂為賚

之段借也說文賚賜也賜予也楚芟徂賚孝孫傳賚予也

周頌賚序云賚大封于廟也賚予也言所以錫予善人也

商頌烈祖賚我思成傳賚賜也江漢釐爾圭瓚傳釐賜也

正義曰釐賜釋詁文今釋詁作賚賜釋文釐力之反沈又

音賚是其證釐爾女士釐亦當音賚釋文力之反非是思

文貽我來牟漢書劉向傳作飴我釐麩注釐讀與來同書

湯誓子其大賚女史記般本紀作子其大理女少牢饋食

禮來女孝孫注來讀為釐釐賜也左氏隱十一年經公會

鄭伯於時來注時來邾也熒陽縣東有釐城釋文釐音來

昭九年傳注駢在始平武功縣所治釐城釋文作釐云釐又音來本或作釐昭二十四年經杞伯郁釐卒釋文釐本又作釐力之反又音來史記杞世家平公鬱立索隱曰一作郁釐譙周云名鬱來蓋鬱郁釐來聲相近故不同也周禮獸人注釐所田之地釋文釐本亦作萊爾雅釋草釐蔓華說文艸部作萊蔓華小雅北山有萊傳萊草也卽釐蔓華魏策齊伐釐莒卽萊莒

無有後艱 以祈甘雨 以祈爾爵 祈年孔夙

鳧鷖無有後艱傳云無有後艱言不敢多祈也案毛卽讀艱爲祈祈者求也甫田以祈甘雨箋云以求甘雨賓之初

毛九

十

筵以祈爾爵箋云祈求也雲漢祈年孔夙祈亦求也艱韻壹熏欣芬古音在弟十三部祈說文从斤聲古音亦在弟十三部說文艱从艮聲艱古讀如根說見古韻標準艮聲之字亦从斤聲說文土部垠土垠罅也段氏从土艮聲或从斤聲

作圻一切經音義卷八引說文圻地圻罅也文選七發注引說文圻地圻罅也集韻垠通作沂漢碑多以沂爲垠檀

弓頤乎其至也釋文頤音墾考工記輞人是故輞欲頤典

注頤讀爲懇說文無懇古止作猥漢書劉向傳故猥猥數

誠之意也司馬遷頤斤聲猥艮聲猥之通作頤圻之通作

沂圻猶艱之通作祈矣傳以後爲多者以後爲厚之假借

也考工記弓人是故厚其液而節其智注厚猶多也呂覽務本以此厚望于主高誘注厚多也莊子列禦寇注乃厚其身耳釋文元嘉本厚作後此厚後字通之證

假樂君子 假以溢我 假哉皇考 既不我嘉 其

新孔嘉 亦孔之嘉 我有嘉賓 鹿鳴形弓 以燕樂嘉賓

之心 南有嘉魚 嘉賓式燕以樂 嘉賓式燕以衍

嘉賓式燕綏之 嘉賓式燕又思 於焉嘉客 又

有嘉穀 山有嘉卉 嘉我未老 爾穀既嘉 鳩弁鳥鷺

雖無嘉穀 飲酒孔嘉 文王嘉止 嘉穀脾臄 籩

豆靜嘉 無不柔嘉 俾臧俾嘉 柔嘉維則 我有

毛九

嘉客

假樂假樂君子傳假嘉也正義曰言上天嘉美而愛樂此君子周頌假以溢我假哉皇考傳竝曰假嘉也案假即嘉之借字禮記中庸引詩嘉樂君子左傳文三年公賦嘉樂注嘉樂詩大雅襄二十六年晉侯賦嘉樂注及正義引詩嘉樂君子孟子離婁篇注嘉樂之篇竝作嘉詩嘉字惟節南山民言無嘉為賀之段借若載馳東山破斧鹿鳴南有嘉魚彤弓白駒正月四月北山頰弁車轄賓之初筵大明行葦既醉抑烝民那諸嘉字皆嘉善嘉美之嘉論語加我數年史記作假我數年假之通作嘉猶假之通作加矣

不愆不忘 逝者其亡

不愆不忘箋云不過誤不遺失秦風車鄰逝者其亡箋云亡喪棄也案遺卽棄也失卽喪也鄭蓋讀忘爲亡正義引哀三年左傳舊章不可忘也今傳忘作亡說苑建本正作不倦不亡

于時廬旅

公劉于時廬旅案廬旅卽廬廬亦重文與上文于時處處下文于時言于時語語同例廬廬之作廬旅猶覲覲之作覲晫蔽蔽之作蔽芾頎頎之作其頎也傳云廬寄也釋廬不釋旅明旅與廬同也不曰廬廬而止曰廬猶之以直

毛九

三

言曰言釋言言論難曰語釋語語以單文釋重文也說文广部廬寄也旅亦訓寄後漢書光武紀建武二年野穀旅生注旅寄也箋云廬舍其賓旅失傳意矣成學標漢學諧聲曰左傳戴公廬曹管子作出旅于曹凡廬皆音旅驢矢作旅矢旅泰山爲廬岱是也

以上戚氏語

書文侯之命廬弓一

廬矢百魏三體石經廬作旅土冠禮東西旅占注古文旅作廬周禮司儀拜受皆旅擯元謂旅讀爲鴻臚之臚書蔡蒙旅平韋昭音廬史記匈奴傳拜昌侯廬卿爲上郡將軍索隱曰案表廬作旅古今字異耳

河酌彼行潦 在坳之野

河酌河酌彼行潦傳河遠也案魯頌駟在坳之野傳坳遠郊也釋文坳遠也坳說文作回又作冂云象遠界也河从回聲故段河爲回又與迴通說文爾雅竝曰迴遠也

莠祿爾康矣 蔽芾甘棠

卷阿莠祿爾康矣傳莠小也案說文莠道多草不可行莠無小義當爲蔽之借字說文艸部蔽蔽小草也釋詁蔽微也微亦小也召南蔽芾甘棠傳蔽芾小貌衛風翟莠以朝周禮巾車注引作翟蔽以朝釋文蔽劉音莠采芑簞莠魚服箋莠之言蔽也此莠與蔽通之證又史記屈賈列傳修路幽拂兮索隱曰楚辭作幽蔽刺客傳跪而蔽席索隱曰

毛九

三

蔽猶拂也拂與蔽通莠亦與拂通

生民莠厥豐草韓詩作拂

莠訓小又

與蔽芾之芾通爾雅釋言芾小也易豐釋文引子夏傳芾小也蔽芾甘棠韓詩外傳家語廟制竝作蔽莠甘棠采芑朱芾斯皇釋文芾本又作莠斯干朱芾斯皇文選王元長曲水詩序及注曹子建責躬詩注作朱莠斯皇采菽赤芾在股范蔚宗樂游應詔詩注引毛詩作赤莠在股廣韻八未芾毛萇詩傳蔽芾小貌重文作莠此芾莠字通之證

如珪如璋 如圭如璧 如璋如圭 白圭之玷 圭

璧旣卒 錫爾介圭 以其介圭

唐石經小字本相臺本作如珪如璋閩本明監本毛本珪

作圭案作珪是也說文土部圭瑞玉也上圓下方从重土
珪古文圭玉篇廣韻竝以珪爲古文荀子正名篇引詩如
珪如璋毛受詩於荀因與荀同後漢書劉儒傳注蔡中郎
集中論務本引詩竝作如珪如璋文選王元長曲水詩序
注班固史述贊注魏文帝與鍾大理書注引毛詩如珪如
璋竝从古文作珪淇奧如圭如璧文選玉簡栖頭陀寺碑
文注引毛詩作如珪如璧抑白圭之玷文選謝靈運初發
石首城注引毛詩作白珪之玷崧高錫爾介圭文選史孝
山出師頌注引毛詩作錫爾介珪是毛詩本多作珪唐石
經改从今文淇奧版抑雲漢崧高韓奕竝作圭唯卷阿尙

毛九

古

是珪字而後人復改之珪字遂不復見毛詩史記晉世家
仲尼弟子南宮括傳及集解引孔安國竝引詩白珪之玷
論語三復白圭文選四子講德論及注作白珪爾雅釋器
疏引詩錫爾玠珪雲漢圭璧旣卒春秋錄露作珪璧旣卒
字竝作珪與毛合禮記王制賜圭瓚釋文圭字又作珪說
文珪古字圭今字

汔可小康 汔可小休 汔可小息 汔可小愒 汔
可小安 維其幾矣

民勞汔可小康傳汔危也案毛讀汔爲幾瞻卽維其幾矣
傳幾危也爾雅釋詁幾危也說文幾殆也殆危也汔說文

作汽从水气聲

氣同

與幾音相近周禮犬人凡幾珥沈

辜注幾讀爲刳珥讀爲岬小弁傳是不可磯也段玉裁曰

釋文磯古愛反依此音則正與抗同抗漢賦多作抗幾聲

气聲古同音通用汽之通作幾亦猶刳之通作幾挖之通

作磯矣

釋詁釋文汽施音既易中孚月幾望釋文幾苟作既

是幾與汽古同音既

無縱詭隨

苟亦無從

無縱詭隨箋云王爲政無聽於詭人之善不肯行而隨人

之惡者以此勅慎無善之人案箋以縱爲從之段借廣韻

馱古作从說文从相聽也鄭讀縱爲從故訓縱爲聽左氏

昭二十年傳引詩無從詭隨注云詭人隨人無正心不可

毛九

五

從說與箋合采苓苟亦無從序云刺聽讒也聽字卽釋經

之從論語從之純如也集解從讀曰縱禮記檀弓爾無從

從爾士喪禮注作縱縱內則姑縱之釋文縱本又作從縱

與從古字通用

不可救藥

可以療飢

板不可救藥箋云誰能止其禍案鄭以止字釋救藥蓋讀

藥爲療說文療治也重文作療周禮天官瘍醫凡療瘍以

五毒攻之注止病曰療是療可訓止也韓詩外傳正作不

可救療陳風衡門可以療飢唐石經初刻作樂復加疒爲

療案作樂者乃療之省文故箋云可飲以療飢王肅解詩

專與鄭爲難云泮泮泌水可以樂道忘飢巍巍南面可以

樂治忘亂又於傳中羸入樂飢可以樂道忘飢八字王肅增損

毛傳說詳龍城雜記經言樂飢不言樂道增字解經毛公必不肯謬

如是劉向列女傳楚老萊妻傳韓詩外傳並作可以療飢

與鄭合商山四皓歌可以療飢正用詩語是又在韓魯詩

之先矣劉向習魯詩文選蔡伯喈郭有道碑文棲遲泌丘注引

毛詩可以療飢王元長策秀才文豈非療飢不期于鼎食

注引毛詩可以療飢並從鄭箋不取王肅之說經義述聞

曰莊子天地篇有虞氏之藥瘍也荀子富國篇不足以藥

傷補敗藥字並與療同

毛九

無爲夸毗 克順克比

先君云無爲夸毗箋云無爲夸毗以形體順從之箋以形

體釋夸故玉篇身部夸作誇以順從釋毗蓋比之段借皇

矣克順克比傳擇善而從曰比比易曰比輔也下順從也是

比有從意毗本毗之俗字毗人臍也左氏哀五年經城毗

公羊作城比是比毗古字通用

喪亂蔑資 予美亡此

喪亂蔑資傳蔑無資財也案蔑與亡古字通唐風葛生篇

予美亡此箋亡無也論語雍也亡之命矣夫漢書楚考王

躒傳引作蔑之命矣夫是其證

天之牖民 牖民孔易 吉士誘之

天之牖民傳牖道也正義曰牖與誘古字通用故以爲道也召南吉士誘之傳誘道也正義云釋詁云誘進也曲禮注進客謂導之故以誘爲導也案說文△部羨相忱呼也从△羨重文作誘詁古文作羨羊部有羨字云進善也从羊久聲文王拘羨里在湯陰羨里尙書大傳史記作牖里是誘誦羨牖羨字竝通用風俗通聲音北堂書鈔十御覽八百七竝作天之誘民牖民孔易禮記樂記史記樂書韓詩外傳竝作誘民孔易劉勰新論从化作誘人孔易易坎納約自牖釋文牖音酉陸作誘說文牖穿壁以木爲交窗也版篇二牖字係古文假借韓詩用今文故作誘段玉裁曰牖所以通明故段爲誘

毛九

七

价人維藩 駟介旁旁 駟介庶庶 駟介陶陶 舍爾介狄 嗟嗟保介

价人維藩傳云价善也箋云价甲也价人被甲之人謂卿士掌軍事者釋文价音界說文同鄭作介案清人駟介旁旁傳介甲也瞻印舍爾介狄保介嗟嗟保介箋竝云介甲也疑詩本作介人維藩故鄭不云价當爲介荀子君道篇爾雅釋詁注漢書諸侯王表王莽傳正作介人維藩釋詁介善也依毛義亦可作介毛公受詩於荀卿子當與荀子

書同友人劉鐸曰說文介畫也卽今界字田部有畝訓竟大部有夆訓大玉部有玠訓大圭人部有价訓善後世字多故區別如此毛詩夆作介小明介爾景福是也玠作介崧高錫爾介圭是也畝作介思文無此疆爾介是也价作介介人維藩是也皆古文也今作价人維藩係後人據說文以改之非毛鄭之舊矣朱氏彬經傳考證曰价人維藩价與介同介大也此與下文大師大邦大宗一例馬爲瑗曰此說正是毛義毛訓善善亦大也桑柔箋善猶大也論語善哉問卽大哉問孟子善哉言乎卽大哉言乎易繫辭上傳莫善於蓍龜釋文善本作大是善與大字又通用據

毛九

大

此說則价爲小明介爾景福生民攸介攸止之介然价訓善與說文合不得以善大字通牽就其說友人顧仰熙謂价人卽吉人吉亦善也价作吉如結作紛之比亦可備一解

及爾游衍如彼泉流善彼舟流

家伯氏曰及爾游衍傳游衍也游乃流之段借也說文林部流水行也小顛如彼泉流箋云如原泉之流行小弁譬彼舟流箋云如舟之流行流皆訓行說文游旌旗之流也玉篇作旌旗之游漢書項籍傳必居上游文穎曰居水之上流也游或作流韋元成傳注如涪曰游亦流也禮記明

堂位釋文旒本又作旒旒卽流之俗字旒卽游之俗字此皆游流字通之證游本訓旌旗之流出游敷游字當作流人之游如水之流也游民卽流民游湯卽流蕩流魚卽游魚荀子瓠巴鼓瑟而流魚出聽謝塘曰流魚卽游魚

及爾出王 先祖是皇

及爾出王傳王往也案王與皇古字通書洪範皇極之敷言史記宋世家皇作王信南山先祖是皇箋皇之言往也王皇又與往通莊子山木釋文王司馬本作往禮記少儀齊齊皇皇注皇讀如歸往之往釋文皇音往

侯作侯祝 以詛爾斯

毛九

九

蕩侯作侯祝案作乃詛之段借說文詛訓也从言且聲釋文作側慮反注同本或作詛正義曰作古詛字何人斯以詛爾斯字作詛邶風篤旣阻我德太平御覽資產部八百三十五引韓詩作旣詐我德詐之通作阻亦猶作之借爲詛矣唐韻正十九鐸作上聲則將五反毛詩古音考作音詛凡作見於詩者除如字外餘皆讀詛

時無背無側 以無陪無卿

時無背無側傳背無臣側無人也以無陪無卿傳云無陪貳無卿士也正義云正由背後無良臣傍側無賢人也案正義訓時爲由時當讀爲以漢書劉向傳條其所以師古

曰以由也以無陪無卿以亦當訓由時與以古字通用漢書五行志引詩作巨亡背亡仄是其證

人尙乎由行 匪上帝不時

人尙乎由行傳言居人上欲用行是道箋云時人化之甚尙欲从而行之不知其非案此傳改字箋不改字也正義曰如傳此言則以尙爲上尙借字上正字免爰尙無爲箋云尙庶幾也此尙之本訓抑篇肆皇天弗尙箋云故今皇天不高尙之召顛不尙有舊箋云哀其不尊尙賢者尙皆上之借字陟帖上慎旃哉漢石經作尙慎旃哉抑尙不愧于屋漏御覽一百八十八尙作上尙上字通經典不可枚

毛九

羊

舉下章匪上帝不時字作上

覃及鬼方 至于芄野

覃及鬼方傳鬼方遠方也案毛訓鬼爲遠蓋以鬼爲芄之段借說文艸部芄遠荒从艸九聲小明至于芄野傳芄野遠荒之地鬼與九古字通用禮記明堂位脯鬼侯正義云周本紀作九侯九與鬼聲相近史記殷本紀命西伯昌九侯鄂侯爲三公徐廣曰一作鬼侯鄴縣有鬼侯城索隱曰九亦依字讀鄒誕生音仇說文宄軌等字皆从九聲九字古有鬼音故與鬼通九之通作鬼猶鬼之通作芄矣易既澶高宗伐鬼方汲冢紀年武丁三十二年伐鬼方次于荆

三十四年克鬼方于令升注易云鬼方北狄國文選楊子
雲趙充國頌鬼方賓服史記楚世家索隱引世本陸終娶
鬼方氏之妹鬼方說者不一然皆與詩無涉正義引易釋
詩未達傳意

顛沛之揭

狼跋其胡

載跋其胡

顛沛之揭傳沛拔也陳奐曰顛讀爲躡拔讀爲跋拔與跋

通狼跋釋文跋字或作拔躡跋本字顛沛段借字馬注論語里仁篇

顛沛偃仆也玉樹案此說與段玉裁合商頌武王載旆說
文士部作武王載坂周禮大司馬中夏教芟舍注芟讀如
萊沛之沛此沛跋字通之例

毛九

三

罔敷求先王

禹敷下土方

瞻彼溥原

既溥既長

抑罔敷求先王箋云無廣索先王之道長發禹敷下土方
正義云禹敷廣下土案敷乃溥之段借公劉瞻彼溥原箋
云溥廣也既溥既長箋云既廣其地之東西又長其南北
禮記祭義溥之而橫乎四海釋文溥本又作敷是敷與溥
古字通敷說文作敷从支專聲溥从水專聲

洒埽庭內

子有廷內

洒埽庭內唐石經初刻作廷後改庭釋文作廷正義作庭
云職事在庭治之故假庭內不埽以見職事不修耳案庭
爲廷之段借說文庭宮中也廷朝中也山有樞序云有朝

廷不能酒埽正義曰有朝廷不能酒埽者二章云子有廷
內弗酒弗埽是也廷內人君治政之處庭廷古字通周頌
陟降庭止漢書匡衡傳庭作廷左傳桓二年哀侯侵陟庭
之田史記晉世家庭作廷定十四年夫差使人立於庭釋
文庭本又作廷漢書古今人表大廷氏師古曰廷讀曰庭
無言不讐 賈用不售

無言不讐箋云教令之出如賣物物善則其售賈貴物惡
則其售賈賤釋文讐徐云鄭市又反售市又反一本作讐
案作讐是也售爲讐之俗說文所無谷風賈用不售箋云
如賣物之不售字竝當作讐逸周書小開解賈粥不讐此

毛九

至

詩所本御覽資產部十五引韓詩正作賈用不讐漢書高
帝紀高祖每酤留飲酒讐數倍集注引如淳曰讐亦售也
宣帝紀每買餅所從買家輒大讐師古曰讐讀曰售食貨
志收不讐與欲得師古曰讐讀曰售周於民用而不讐者
師古曰讐讀曰售地理志嫁娶無所讐師古曰讐匹也一
曰讐讀曰售蒯伍江息夫傳贊忠不終而詐讐師古曰讐
讀曰售 讀管世案或世或字十四年大 人立 讀
淑慎爾止售魯侯戾止 之死矢靡宅 之死矢靡匿
淑慎爾止傳止至也泮水魯侯戾止傳止至也案止當讀
若之柏舟之死矢靡宅傳之至也陳風墓門篇歌以訊止

續列女傳作歌以詆之小雅車牽篇高山仰止釋文云本
或作仰之禮記表記引詩高山仰止景行行止釋文仰止
本或作仰之行止詩作行之史記孔子世家贊引詩高山
仰止景行行止宋本行止作行之是止之通用

實虹小子 蝨賊內訖

實虹小子傳虹潰也正義曰訖潰釋言文召顓蝨賊內訖
傳訖潰也正義曰訖潰釋言文今釋言作虹潰釋文虹音
洪顧作訖音同案虹古文訖今文說文言部訖讀也从言
工聲虹潰卽訖讀也抑疏據陸本爾雅召顓疏據顧本爾
雅故皆以爲釋言文

毛九

垂

曰喪厥國 神保聿歸

正義云曰喪厥國此曰爲辭故韓詩作聿案楚茨神保聿
歸箋云神安歸者歸于天也箋以安釋保置聿字不釋蓋
以聿爲辭正義曰神安而遂歸于天也以遂釋聿本悉毀
傳不知悉毀傳之聿遂卽文王傳之聿述遂古字通也
說見弟八曰聿古字通七月曰爲改歲漢書食貨志曰作聿角

弓見覲曰消釋文引韓詩作聿荀子非相篇漢書劉向傳
趙岐孟子章指引詩皆作聿大明曰嬪于京爾雅釋親注
曰作聿繇子曰有奔走子曰有禦侮楚辭章句曰作聿載
見曰求厥章墨子尚同篇曰作聿曰與聿皆吹之段借說

文吹詮詞也

倉兄填兮五孔填不寧瞻印我取其陳

桑柔倉兄填兮傳填久也釋文填音塵正義曰古者塵填

字同瞻印孔填不寧傳填久也釋文填音塵召旻孔填不

寧箋訓填為久案填塵皆借字其正字當作陳甫田我取

其陳傳云尊者食新農夫食陳陳與新對言正訓陳為久

史記平準書于是大農陳集解引韋昭曰陳久也素問奇

病論云治之以蘭除陳氣也王砮注陳久也書失于政陳

于茲傳陳久也正義引釋詁塵久云古者塵陳同是填塵

陳字並通用常棣箋古聲填寘塵同東山箋古者聲寘填

毛九

音

塵同也釋文寘音田一音陳寘填塵依字皆是田音陳寘

奔齊以國為氏而史記謂之田氏是古田陳聲同

逢天俾怒俾爾單厚單厥心

逢天俾怒俾爾厚也案說文俾訓疾無厚義訓厚者單之

借字天保俾爾單厚傳單信也一曰厚也周頌昊天有成

命單厥心傳單厚說文叩部單大也大與厚義相近北門

傳敦厚也方言敦大也長發傳厖厚也釋詁厖大也是訓

大之字引俾之又訓厚也俾又為寘之段借釋文俾都且

反本亦作寘正義曰俾寘音相近義亦同釋詁云寘厚也
某氏曰詩云俾爾寘厚

孔棘我圍 以禦亂兮 百夫之禦 外禦其侮 予
曰有禦侮 曾是彊禦 彊禦多對 不畏彊禦

孔棘我圍傳云圍垂也箋云圍當作禦甚急矣我之禦寇之事案猗嗟以禦亂兮黃鳥百夫之禦常棣縣之禦侮蕩烝民之彊禦字皆作禦圍與禦古字通曾是彊禦漢書敘傳作曾是彊圍不畏彊禦漢書公孫劉田王楊蔡陳鄭傳贊王莽傳竝作不畏彊圍召顯我居圍卒荒韓詩外傳作我居御卒荒筦子輕重守圍之國用鹽獨甚注圍與禦同莊子繕性其來不可圍釋文圍本作禦墨子辭過弟六邊足以圍風寒劉達注左思賦引作御太平御覽引作禦公輸弟五十墨子之守圍有餘御覽引作禦

毛九

圭

如彼愬風 遡其過澗

如彼愬風顧炎武阮元以愬爲誤字馮登府曰唐石經初刻作愬磨改作遡李善注文選月賦引詩正作愬袁宏北征賦愬流風而獨寫正本詩意石經不誤玉樹案潘安仁西征賦愬黃卷以滄潼注薛綜西京賦注曰愬向也愬與遡古字通薛傳均曰案張平子西京賦咸遡風而欲翔薛綜注遡向也張孟陽注魏都賦引西京賦曰感愬風而欲翔與此處引薛注作愬正合張景陽七命遡九秋之鳴颺注愬與遡同據此則愬非誤字無疑月賦愬皓月而長歌

李善注毛詩曰如彼愬風毛萇曰愬向之也向與鄉今古字所引

明是毛詩阮氏校勘記乃謂作愬是三家異字尤誤毛詩

本作如彼愬風自晉至唐無異唐石經改愬為遡宋本因

之後人不知有作愬舊本反以譌字斥之此可怪也愬段

借字公劉遡其過澗傳遡鄉也釋文鄉本又作嚮此正字論語公

伯寮愬子路於季孫論衡累害篇臧倉之毀公伯寮之遡

以遡為愬戰國策齊策衛君跣行遡於齊注遡愬同遡之

借用愬亦猶愬之借用遡矣

莽云不逮 莽其臣僕

莽云不逮傳莽使也釋文莽字又作迸本或作拼案莽迸

毛九

五

皆借字拼俗字其正字當作并說文并相從也從即使也

使亦從也釋詁使從也是也小雅正月并其臣僕傳云古

者有罪不入于刑則役之園土以為臣僕傳以役字釋經

之并役亦使也詳見陳奐毛詩傳疏

好是稼穡 宜其室家

校勘記曰好是稼穡唐石經小字本相臺本同案釋文云

家王申毛音駕謂耕稼也鄭作家謂居家也下句家穡維

寶同穡本亦作嗇音色王申毛謂收穡也鄭云吝嗇也尋

鄭稼穡二字本皆無禾者下稼穡卒痒始從禾正義曰箋

不言稼當為家則所授之本先作家字也依此是毛鄭本

作家嗇王申毛乃爲稼穡字正義每取王爲傳說故其本作稼穡而唐石經以下從之段玉裁云改稼穡者非也玉樹案鄭箋改字而不云某當爲某者甚多未必毛鄭本竟作家嗇釋文作家嗇是依鄭改經稼古與家通穡古與嗇通故鄭以居家吝嗇釋之謂假借也焦氏循易章句其于稼也爲反生稼猶家也大戴禮陶家事親王引之謂卽陶稼是字通也桃夭宜其室家是家字見詩之始

具贅卒荒 爲下國綴旒

具贅卒荒傳贅屬荒虛也箋云哀痛乎中國之人皆見係屬于兵役家家空虛正義曰贅猶綴也謂繫綴而屬之長

毛九

毛

發云爲下國綴旒襄十六年公羊傳君若綴旒然是贅綴同也案說文綴合箸也贅以物質錢从敖貝敖者猶放貝當復取之也桑柔贅借字長發綴正字公羊襄十四年傳注君若贅旒然釋文作綴云一本作贅十六年傳君若贅旒然釋文贅章銳反本又作綴繫屬也書顧命綴路在阼階面周禮典路注引作贅路釋文贅章銳反又作綴後漢書班彪傳虎賁贅衣注贅衣主衣之官贅綴也尚書曰綴衣虎賁文選劉越石勸進表國家之危有若綴旒注公羊傳曰君若贅旒猶綴也

朋友已譖 譖始竟背 僭始既涵 不僭不賊 覆

謂我僭

朋友已譖箋譖不信也正義曰皆以此僭差情不相信釋文譖子念反本亦作僭瞻印譖始竟背箋譖不信也釋文譖本又作僭子念反巧言僭始既涵箋云僭不信也抑不僭不賊覆謂我僭箋竝訓僭爲不信釋文譖本亦作僭子念反注及下我譖同案譖借字僭正字說文言部譖愬也从言替聲人部僭假也从人替聲一曰相疑相疑卽是不信

子豈不知而作 既之陰女

子豈不知而作箋云而猶女也子豈不知女所行者惡與

毛九

天

案而卽女之段借與下文既之陰女之女同禮記中庸抑而強與鄭注而言之言女也亦謂段借莊子外物篇召而來釋文而本又作女是而女字通而古讀爲如故又借爲女

職涼善背 諒曰不可

職涼善背傳涼薄也箋涼信也案箋以涼爲諒之段借釋文涼毛音良鄭音亮下章諒曰不可唐石經作諒宋十行本小字本相臺本諒作涼釋文同箋訓涼曰爲信言柏舟不諒人只傳諒信也御覽四百三十九作不涼人只何人斯諒不我知箋諒信也大明涼彼武王傳涼佐也釋文涼本又作諒足利本作諒論語高宗諒陰公羊文九年傳注

漢書五行志作涼闇

蘊隆蟲蟲 赫赫炎炎

雲漢蘊隆蟲蟲傳蟲蟲而熱正義曰蟲蟲是熱氣蒸人之貌赫赫炎炎傳炎炎熱氣也正義曰釋訓云炎炎薰也郭璞曰旱熱薰炙人是炎炎爲熱氣也案炎字古讀若融故熊字从炎省聲古文尙書撰異曰無若火始炎炎漢書梅福傳作庸庸炎與庸雙聲融風古亦作炎風說文融从鬲蟲省聲籀文不省作融蟲之通作炎猶融之通作炎矣後人不知爲炎之借字燼炯等俗字出矣

滌滌山川 曠其修矣

毛九

无

滌滌山川傳滌滌旱氣也山無木川無水案滌字从水與旱義相反滌當爲修之借字王風曠其修矣傳修且乾也說文修脯也脯乾肉也釋名修縮也乾燥而縮也修訓乾滌滌訓旱氣旱與乾是一義藝文類聚災異部引洪範五行傳旱之爲言乾是也修與滌古同聲而通用周禮司尊彝凡酒修酌注修讀如滌濯之滌蓋滌从條聲修與條皆从攸聲滌古讀如條故條狼氏作滌狼氏修古讀如條故修侯作條侯說文瞻失意視也文選魏都賦注引作睠亦其例說文引詩蒹葭山川云蒹旱艸盡也與毛義異當是

三家詩

慳不知其故 何辜今之人

慳不知其故箋云曾不知爲政所失而致此害案鄭以失訓故蓋讀故爲辜首章何辜今之人箋云辜罪也辜訓罪與故訓失是一義失卽過也過卽罪也何辜今之人不知民之何罪也會不知其故不知己之何罪也史記屈原賈生列傳亦夫子之辜也索隱曰漢書辜作故楚辭亦作故集注云故音孤是故與辜古字通用

瞻印昊天

雲漢瞻印

或棲遲偃仰 高山仰止

瞻印昊天釋文印音仰本亦作仰下同校勘記曰瞻印七章小字本相臺本同唐石經初刻仰後改印古文考本經

毛九

三

序皆作仰案印仰古今字北山或棲遲偃仰釋文作印云本又作仰車牽高山仰止說文作高山印止荀子議兵上足印則下可用也注印古仰字列子黃帝中道印天而歎釋文印本作仰漢書刑法志爲下所印郊祀志百姓印望司馬遷傳迺欲印首信眉師古竝曰印讀曰仰匏有苦葉人涉印否釋文印五郎反我也本或作仰

昭假無贏 昭假于下 旣昭假爾 昭假烈祖 四

海來假 來假祁祁 神保是格 神之格思

昭假無贏傳假至也釋文假音格泮水昭假烈祖傳假至也釋文假古百反烝民昭假于下噫嘻旣昭假爾兮烏四

海來假來假祁祁箋竝曰假至也案假讀若格抑神之格思傳格至也楚茨神保是格傳格來來亦至也說文格訓木長貌假訓非真皆非正字其正字當作假說文丩部假至也商頌那湯孫奏假烈祖以假以享箋竝云假升也那釋文云假鄭作格烈祖釋文云假音格書歸格于茲祖公羊隱八年傳注書大傳作歸假于禰祖格于上下說文作假于上下祖考來格後漢書章帝紀作祖考來假惟先格王漢書成帝紀孔光傳外戚傳作惟先假王格人元龜史記殷本紀作假人元龜潛夫論下列作假爾元龜格于皇天格于上帝燕世家格皆作假假又作各廣雅二十陌格至也亦作假

毛九

三

崧高維嶽 崇北 其崇如墉

崧高維嶽傳崧高貌山高而大曰崧案禮記韓詩初學記皆作嵩高維嶽崧嵩皆說文所無字當作崇嵩高山周語作崇山韋昭注崇崇高山也夏居陽城崇高所近字又作密漢書郊祀志地理志竝作崇高師古竝曰密古崇字說文解字注曰崧嵩二形皆卽崇之異體章注國語云古通用崇字太平御覽及徐鉉皆引其語詩序云崇北萬物得極其高大也此崇之故訓也玉樹案小雅之崇北序訓高大良耜其崇如墉箋訓高大與山高而大曰崧正合

四國于蕃 价人維藩

四國于蕃箋云四國有難則往扞禦之爲之蕃屏版价入維藩傳藩屏也案蕃古文藩今文說文蕃艸茂也藩屏也韓詩外傳作四國於藩東方未明傳樊藩也釋文藩本亦作蕃韓奕箋簞第漆簞以爲車蔽今之藩也釋文藩本又作蕃書微子之命以蕃王室釋文蕃本亦作藩禮記禮器注蕃服之國釋文蕃本又作藩明堂位注藩服釋文藩本又作蕃周官大司徒九曰蕃樂杜子春讀蕃爲藩穀梁集解序北蕃迴軫釋文蕃本又作藩左氏僖二十四年傳以蕃屏周文選曹子建求通親親表注任彥升齊竟陵文宣王行狀注竝作以藩屏周室定四年傳選建明德以藩屏

毛九

三

周石經宋本藩作蕃

以作爾庸 以伐崇墉 崇墉言言 崇墉仡仡 實墉實壑 其崇如墉

以作爾庸傳庸城也案毛以庸爲墉之段借也說文土部墉城垣也从土庸聲皇矣以伐崇墉良耜其崇如墉傳竝曰墉城也韓奕實墉實壑傳言高其城深其壑也庸墉古今字釋文云庸本亦作墉音容詩本作庸故鄭訓爲功後人據傳義以改經字始作墉耳此蓋昧於古文段借之義以伐崇墉後漢書伏湛傳作以伐崇庸詩考以爲齊詩易同人棄其墉釋文墉鄭作庸儀禮士喪禮處北庸下釋文

庸如字牆也本亦作墉禮記郊特牲君南鄉于北庸下釋文庸本亦作墉牆也左氏襄九年傳祝宗用馬於四墉釋文作庸云本亦作墉音同城也太彖廓上九極廓於高庸注庸與墉同

往近王舅

彼其之子

楊之水羔裘汾沮洳椒聊倅人

往近王舅傳近已也箋云近辭也聲如彼記之子之記釋文近音記楊之水彼其之子箋云其或作記或作己讀聲相似釋文其音記詩內皆放此案周易屯卦君子幾筭文幾子夏傳作近中孚月幾望釋文幾苟作近民勞箋汔幾也左氏昭二十年傳注作汔其也是近幾其並通用衛風

毛九

三

碩人其頤玉篇作碩人頤頤其之通作近猶其之通作頤矣毛居正六經正誤以近爲近之誤字其說非是杖杜會言近止征夫邇止近與邇韻正是己音

以峙其粳

粳乃錢鏞

以峙其粳箋云峙其糧者令廬市有止宿之委積正義云峙具其糧食爾雅釋詁峙具也案說文無峙卽止部峙躡也之峙峙之變止爲山字作峙猶岐之變山爲止字作歧也峙爲峙之假借臣工峙乃錢鏞傳峙具也說文广部峙儲置屋下也儲亦具也又作峙說文人部儲峙也峙待也考工記總目注作峙乃錢鏞一切經音義十二峙古文作

疇時疇三形玉篇广部疇大紀切儲也具也或作疇時爾雅釋詁邢昺疏疇者周書費誓云疇乃糗糧周頌臣工云疇乃錢鋪疇疇音義同

以疇其糗 迺裹餼糧

以疇其糗傳糗糧也說文無糗鈕氏說文新附考曰糗或作糧糗糧釋言文論語在陳絕糧釋文糧鄭本作糗云糧也文選思元賦餐沉瀼以爲糗後漢書糗作糧章懷注糧或作糗据此則糗糧古通疑實一字而異文玉樹案書費誓時其糗糧說文食部引周書疇乃餼糗楚辭哀時命日饑饉而絕糧集注糧一作糗糗糧在周時爲古今字釋言

毛九

音

云糗糧也以今字釋古字也毛傳亦有此例如葛屨傳要稷也殷武傳突深也皆是說文于古字不盡載故無糗糧非俗字公劉迺迺裹餼糧釋文糧本亦作糗音良糗也

採此萬邦 旨酒思柔

採此萬邦箋採順也釋文採本亦作柔汝又反又如字一音柔案柔扈旨酒思柔箋云思得柔順柔亦訓順採柔古字通民勞柔遠能邇釋文作採云音柔本亦作柔易說卦爲矯輮釋文輮宋衷王廙作採宋云使曲者直直者曲京作柔說文木部柔木曲直也宋所言正是柔字之義手旁後人所加採此萬邦古本作柔後人加手以別於柔惠且

直之柔耳說文無採

明命使賦 賦政于外 敷于下土

烝民明命使賦傳賦布也箋云顯明王之政教使羣臣施布之下章賦政于外箋云以布政于畿外案說文賦訓斂無布義賦訓布當為敷之段借小顛敷于下土傳敷布也長發敷政優優左傳成二年昭二十年引作布政優優敷說文作敷云攷也攷即施布之施施借字書益稷敷納以言左傳僖二十七年潛夫論考績篇竝作賦納以言是賦敷古通用

出納王命 或出入風議

毛九

姜

出納王命釋文納本又作內案內與外相對為文出與入相對為文凡經典言出納出內皆即出入納之本義乃絲溼納納也七月十月納禾稼箋訓納為內納亦當為入釋名說文竝曰入內也書堯典夙夜出納朕命史記五帝紀出納正作出入又納于大麓論衡書說作入于大麓禹貢九江納錫大龜夏本紀作九江入賜大龜是入納字通之證北山或出入風議

征夫捷捷 不寔故也 不寔好也

征夫捷捷傳捷捷言樂事也正義曰捷捷者舉動敏疾之貌案鄭風不寔故也傳寔速也疾速是一義說文手部捷

獵也軍獲得也从手走聲𠃉部寔尻之速也从𠃉走聲凡捷速字皆當作寔以其同从走聲故相通段字又作寔說文寔疾也爾雅釋詁寔速也釋文寔本或作寔

虔共爾位

受小共大共

温温恭人

小宛抑

必恭敬

止

温温其恭

密人不恭

敬恭明神

温恭朝夕

韓奕虔共爾位箋云古之恭字或作共商頌長發受小共大共傳共法釋文小共大共毛音恭正義曰傳讀共爲恭敬之恭故爲法案說文心部恭肅也从心共聲恭作共古文从省小宛温温恭人小弁必恭敬止賓之初筵温温其恭皇矣密人不恭抑温温恭人雲漢敬恭明神邗温恭朝

毛九

美

夕字皆作恭抑篇之恭釋文作共云音恭本亦作恭巧言匪其止共釋文云共音恭本亦作恭韓詩外傳四引皆作恭小明靖共爾位韓詩外傳漢書淮陽憲王傳皆作靖恭爾位表記引詩靖共爾位釋文共音恭本亦作恭念彼共人鹽鐵論執務作念彼恭人然毛鄭皆不讀共爲恭惟虔共小共大共之共毛鄭讀爲恭

汾王之甥

遵彼汝墳

泮羊墳首

汾王之甥傳汾大也案汾本水名出太原汾陽縣北管涔山西南入河毛以汾爲墳之段借正義曰釋詁云墳大也傳意以墳汾音同故爲大也汝墳傳墳大防也若之華傳

墳大也賁聲分聲之字古通用

淮夷來鋪我僕痛矣

江漢淮夷來鋪傳鋪病也正義曰釋詁文彼鋪作痛音義

同案鋪借字痛正字說文金部鋪著門鋪首也戶部痛病

也卷耳我僕痛矣傳痛亦病也釋文痛音敷又音烏反病

也本又作鋪以江漢例之作鋪乃毛詩古文後人改从今

文始作痛爾雅釋詁釋文痛音胡芳膚二反詩作鋪先君

曰小雅雨無正淪胥以鋪釋文引王肅云病也後漢書蔡

邕傳下獲薰胥之辜章懷注詩小雅若此無罪勳胥以痛

勳帥也痛病也言此無罪之人而使有罪者相帥而病之

毛九

三

見韓詩王氏訓鋪爲病蓋以韓申毛漢書敘傳烏乎史遷

薰胥以刑亦韓詩說也毛於鋪無傳因前有卷耳後有江

漢已釋鋪爲病故於此無釋箋訓鋪爲遍言王使此無罪

者牽率相引而遍得罪不若肅說爲順正義釋傳亦用箋

說未得毛指顏師古用鄭箋以注敘傳亦非班氏意也王

子邕說經意與鄭爲難然此說實優於鄭不得曰人廢言

來旬來宣 經營四方

來旬來宣箋云來勤也旬當作營宣遍也王命召虎女勤

勞於經營四方勤勞於遍疆理各國案第二章經營四方

字作營史記天官書旬始出於北斗旁徐廣曰旬一作營

是旬與營古字通用周禮均人注旬均也讀若營營原隰之營說文營从榮省聲營字雖不見說文當與營同聲旬可讀爲營則亦可讀爲營矣先君曰說文旬遍也爾雅釋言徇遍也是旬與徇通廣雅釋言徇營也字又作徇莊子駢拇篇小人則以身殉利司馬彪曰殉營也旬又與洵通邶風于嗟洵兮韓詩作于嗟夙兮說文夙營求也是旬可訓營不必改字

既敬既戒

徒御不警

徒御不警唐石經譌作驚正義本不誤

常武既敬既戒箋云敬之言警也警戒六軍之衆車攻徒御不警傳不警警也正義云豈不日相警戒乎案雞鳴序

毛九

三

夙夜警戒釋文警本又作敬是敬警古字通用周禮夏官序官注引詩既倣既戒廣韻三十梗倣同警警正字敬借字

不留不處

勝殷遏劉

不留不處傳誅其君弔其民爲之立三有事之臣陳奐曰留古劉字武傳劉殺也處猶安止也傳義以誅其君釋經之留以弔其民釋經之處兩不字皆發聲也案說文金部錙殺也从金留聲錙卽劉字說文別無劉錙作留古文從省爾雅釋鳥鵠劉疾釋文劉字或作留淮南子原道訓劉覽徧照注劉覽回觀也劉讀留連之留惠士奇禮說曰王

風留子毛傳云留大夫氏地理志劉聚周大夫劉子邑公
羊曰劉者邑也其稱劉何以邑氏也水經注劉氏聚三面
臨澗在緱氏西南周畿內留子國卽詩所謂丘中鄭箋从
毛亦無異說則留卽劉信矣史記司馬相如傳留落胥餘
錢大昕曰釋木劉劉杙注劉子生山中實如黎卽此留也
有嚴天子 碩大且儼

有嚴天子傳嚴然而威案毛讀嚴爲儼釋文嚴毛魚檢反
鄭如字陳風澤陂碩大且儼傳儼矜莊貌儼與嚴古字通
殷武正義曰嚴敬釋詁文今釋詁作儼敬柏舟傳君子望
之儼然可畏釋文儼魚檢反本或作嚴論語子張篇望之

毛九

九

儼然釋文儼本或作嚴書無逸嚴恭寅畏釋文嚴如字又
魚檢反馬作儼禮記曲禮上儼若思釋文作嚴云本亦作
儼正義作儼公羊桓二年傳注儼然人望而畏之釋文作
嚴云本又作儼荀子正論今子朱子嚴然而好說注嚴讀
爲儼

鋪敦淮瀆 敷政優優 敷奏其勇

鋪敦淮瀆箋云陳屯其兵于淮水大防之上案鋪訓陳乃
敷之段借長發敷敷政優優正義云敷陳政教則優優而和
美敷奏其勇正義云陳進其勇敷並訓陳釋文引韓詩作
敷敦淮瀆韓今文毛古文後漢書馮緄傳引詩亦作敷敦

淮瀆儀禮特牲饋食禮注爲神敷席也釋文云敷音孚本
又作鋪後漢書班固傳桑麻敷芬文選西都賦作鋪荼

鋪敦淮瀆 白茅純束

鋪敦淮瀆箋云敦當作屯野有死麕白茅純束箋云純讀
如屯純與屯沈重皆音徒尊反云聚也案漢書禮樂志車
千乘敦昆侖師古曰敦讀曰屯屯聚也楊雄傳敦萬騎於
中營兮師古曰敦讀曰屯屯聚也後漢書馬融傳廣成頌
云山敦雲移注敦音屯亦積聚也此敦與屯通也史記蘇
秦傳錦繡千純索隱引高誘曰純音屯束也左氏襄十八
年傳執孫蒯於純留杜注屬上黨郡漢志作屯留師古曰
屯音純莊子至樂生于陵屯釋文屯郭音純此純與屯通
也周禮內宰注杜子春讀敦爲純此敦與純通也如諳諳
作訕訕敦丘作頓丘之類皆是

鋪敦淮瀆 遵彼汝墳

鋪敦淮瀆傳瀆厓也箋云陳屯其兵於淮水大防之上案
鄭以瀆爲墳之段借爾雅釋丘墳大防李巡曰墳謂厓岸
狀若墳墓名大防也周南遵彼汝墳傳墳大防汝墳正義
引常武傳瀆厓作墳厓文選鮑明遠蕪城賦注引毛詩遵
彼汝墳又引毛詩鋪敦淮墳是常武經本亦作墳李巡以
墳爲厓岸若墳墓是墳爲訓厓之正字依傳義亦可作墳

正義引爾雅墳大防及李巡說云是墳爲厓也是正義本
作淮墳與釋文異校勘記竟未之及爾雅釋水汝爲瀆郭
注引詩遵彼汝墳作汝瀆詩正義引爾雅汝爲瀆作墳後
漢書周磐傳注引韓詩遵彼汝瀆太平御覽七十一亦引
作瀆

何神不富 維昔之富不如時 福履綏之 福履荒
之 福履成之

瞻卬何神不富傳富福也召顓維昔之富不如時箋富福
也案富乃福之叚借以其同从畀聲故相通也唐韻正一
屋福去聲則音富易謙彖傳鬼神害盈而福謙京房本作

毛九

望

富後漢劉修碑引此同此富福字通之證毛詩福字甚多
周南樛木福字三見

舍爾介狄 用邊蠻方

舍爾介狄傳狄遠也正義曰毛讀狄爲逖故爲遠也案說
文正作舍爾介逖逖古文作邊抑用邊蠻方傳邊遠也正
義曰釋詁文泮宮狄彼東南釋文狄他歷反王遠也文選
王仲宣從軍詩注作逖彼東南書牧誓逖矣西土之人爾
雅釋詁注引書逖作邊李善注文選兩引皆作邊矣西土
之人桂馥說文解字義證狄易聲相近本書惕或从狄白
虎通狄者易也淮南子俞兒狄牙卽易牙賈誼書亦作狄

牙詩抑篇用盪蠻方潛夫論引作逃漢書古今人表簡盪
卽簡狄

天之降罔 魚網之設

天之降罔箋云天下羅罔案正義云下此災異之羅網是
正義罔作網說文罔庖犧氏結繩以漁也或作罔或作罔
古文罔籀文罔罔卽罔字網卽罔字皆卽罔之或體玉篇
廣韻略同說文少儀衣服在躬而不知其名爲罔釋文罔
本亦作罔又作網文選謝元暉直中書省詩淡沈映朱網
注網與罔同楚辭招魂網戶朱綴集注網一作罔

維其幾矣 薄送我畿

毛九

望

維其幾矣箋云幾近也案說文幾訓危凡幾訓近者皆畿
之段借也谷風薄送我畿傳畿門內門內謂近地也上文
云不遠伊邇是也以一室言之門內爲畿以天下言之封
內爲畿商頌邦畿千里邦讀如封文選西都賦封畿之內厥土千里說文畿天子千里
地曰逮近言之則曰畿是畿可訓近也畿又與近通周禮
大司馬注故書畿爲近禮記大學邦畿千里釋文畿本又
作幾楚茅如幾如式傳幾期也谷風正義引作畿期禮記
郊特牲丹漆雕幾之美正義幾與畿字相涉說文畿从周禮漢讀考肆師祈珥注故書祈爲幾小子職注云春官肆
師職祈或作畿或是故書有作畿者也幾畿字古多通用

不云自頻 南澗之濱 率土之濱

召旻不云自頻傳頻厓也箋頻當作濱厓猶外也釋文頻
舊云毛如字鄭作濱音賓俱云厓也案張揖字詁云瀕今
濱則瀕是古濱字玉樹案說文類水厓人所賓附類蹙不
前而止玉篇瀕蒲民切說文本作類亦同濱今類省作頻
又變爲濱廣韻十七真分頻濱爲二非古也說文無濱鄭
云頻當作濱是漢時已有濱字采蘇南澗之濱北山率土
之濱傳竝曰濱厓也與頻訓厓正合列女傳趙飛燕姊悌
傳引詩作不云自濱南澗之濱宋書何尙之傳作南澗之
瀕說文繫傳引詩南澗之頻云或借賓字或作瀕作濱乃
誤桑柔國步斯頻說文日部作國步斯曠書禹貢海濱廣
斥泗濱浮磬漢書地理志濱作瀕師古曰瀕水厓也瀕音
頻又音賓後世頻濱字異音殊故顏監說如此采蘋傳蘋大萍也說文無蘋
艸部蘋大萍也廣韻十七真蘋大萍也又作蕢毛詩本作于以采蕢
蕢從賓故箋云蕢之言賓也漢書司馬相如傳仁頻并閭
藻從澡故箋云藻之言澡也注仁頻賓椰也頻字或作賓皆其例

毛九

星

毛詩異文箋卷十

鹽城陳玉樹

假以溢我 闕宮有恤 止旅迺密 夙夜基命宥密
周頌維天之命篇假以溢我傳假嘉溢慎案慎者靜也爾
雅釋詁溢慎同訓靜是其證靜者安也嘉以溢我謂善以
安我溢乃恤之段借說文恤靜也魯頌闕宮有恤傳恤清
靜也左氏襄二十七年傳引詩作何以恤我恤正字溢恤
皆借字莊子齊物論以言其老洳也釋文洳本亦作溢則
陽釋文洳音溢溢之通作恤猶溢之通作洳矣禮記樂記
釋文洳范音溢亦其例溢又與密通公劉止旅迺密傳密
安也昊天有成命篇夙夜基命宥密箋以密爲安靜說文

毛十

廣韻引詩誡以謚我賈子禮容篇引詩夙夜基命宥謚是
溢謚密竝通用溢密皆借字謚正字說文謚靜語也

無封靡于爾邦

封建厥福

豐年多黍多稌

烈文無封靡于爾邦殷武封建厥福傳竝曰封大也案說
文封爵諸侯之士也封無大義封訓大當爲豐之借字說
文豐部豔从豐豐大也方言凡物之大貌曰豐易豐豕曰
豐大也豐年多黍多稌傳豐大也箋云豐年大有年也谷
風采芣采非釋文芣字容反徐音豐字書作豐芣之作豐
猶封之作豐矣十駕齋養新錄曰方言豐蕘蕘菁也陳楚
謂之芣是豐芣同音本非二物詩采芣采非徐仙民音芣

爲豐徐氏生於晉末其時未有均書無東鍾之別自均書出而豐入東韻葑入鍾韻矣言字母者又以葑屬非母豐屬敷母矣岐之中又有岐而古音遂不可復學者勿泥於隋唐以後之音斯可與道古矣

四方其訓之 四國順之

無競維人四方其訓之箋云無彊乎維得賢人也得賢人則國家彊矣故天下諸侯順其所爲也案箋以天下諸侯釋四方以順其所爲釋訓卽讀訓爲順四方其訓之卽抑篇所謂四國順之左傳哀二十六年子贛引詩無競惟人四方其順之注云詩周頌正義曰詩周頌烈文之篇據此

毛十

二

知烈文訓本作順異于大雅抑篇或鄭箋詩時經亦是順字後人以毛傳詁訓爲道改順爲訓以合于抑篇也子贛引此詩釋之云若得其人四方以爲主而國于何有箋說正與之合毛訓道于義未安抑篇無競維人四方其訓之訓亦當讀順說見擘經室集訓順古字通書洪範于帝其訓是訓是行史記宋世家訓皆作順文選幽通賦實棗諶而相訓注訓或作順國語周語能導訓諸侯者史記魯世家作能道順諸侯者正義曰順音訓

於乎前王不忘 于公先王 罔敷求先王 昔先王

受命

於乎前王不忘案前當讀如先箋正作先王與天保于公
先王抑罔敷求先王召旻昔先王受命同周禮大宰前期十
日釋文前本或作先男巫王弼則與祝前注故書前爲先
是前字通

磬筦將將 簫管備舉 嘒嘒管聲

執競磬筦將將釋文筦音管本亦作管有磬簫管備舉那
嘒嘒管聲字作管有磬箋云管如籥竝而吹之案說文竹
部管如籥六孔十二月之音物開地牙故謂之管从竹官
聲筦筦也从竹完聲據此則管正字筦借字也荀子富國
篇引詩管磬琯琯說文足部引詩磬管磬筦漢書禮樂志

毛十

三

引詩磬管鏘鏘字皆作管莊子則陽篇夫吹管者猶有嗃
也釋文作筦云音管本亦作管盜跖篇今富人耳營鐘鼓
筦籥之聲釋文筦音管本亦作管漢書禮樂志鐘石筦鉉
鼂錯傳齊桓公得筦子谷永傳昔龍筦納言師古竝曰筦
字與管同食貨志筦子曰地理志中牟有筦叔邑劉向傳
周大夫尹氏筦朝事賈誼傳筦子曰師古竝曰筦與管同
張禹傳後堂理絲竹筦弦儒林顏安樂傳廣授瑯琊筦路
王莽傳初設六筦之令師古竝曰筦亦管字欽文志筦子
八十六篇師古曰筦讀與管同車千秋傳自以爲國家與
權筦之利師古曰筦卽管字也義與幹同東方朔傳語曰

以箎窺天以蠡測海服虔曰箎音管師古曰箎卽管字玉
篇竹部管古短切樂器如篪六孔亦作箎廣韻二十四緩
管樂器也古滿切重文作箎急就篇管財智注管一作箎
陳常于時夏 爾受命長矣 長發其祥

思文陳常于時夏箋云用是故陳其久常之功於是夏而
歌之卷阿爾受命長矣箋云則受久長之命商頌長發其
祥箋云長猶久也案常借字長正字說文常下帛也重文
作裳長久遠也漢書地理志京兆尹長安莽曰常安是常
長古通用

奄觀銍艾 穫之挫挫

毛十

四

臣工奄觀銍艾傳銍穫也毛詩紉義曰正義曰釋名云銍
穫禾鐵也說文曰銍穫禾短鎌也然則銍器可以穫禾故
云銍穫也案銍既是田器又訓爲穫終未安釋文引小爾
雅云截穎謂之銍截穎卽穫也禹貢甸服二百里納銍孔
安國曰銍刈謂禾穗彼銍與總秸粟米竝稱不爲鐵器禾
穗是已穫之禾故此傳訓爲穫然良耜穫之挫挫傳云穫
聲也釋訓云挫挫穫也說文云挫穫禾聲也挫與銍俱珍
栗切毛蓋讀銍爲挫以其音義同也玉樹案後說是也銍
爲挫之段借挫挫訓穫故銍亦訓穫毛公正依爾雅爲說
釋名以銍爲挫云銍銍斷禾穗聲也此挫銍字通之證玉

篇又有稗字音竹粟切訓穫

終三十里 眾穉且狂 爰眾爰有 命我眾人

噫嘻終三十里案終與眾穉且狂爰眾爰有命我眾人之眾通傳終三十里言各極其望也傳以各字釋經之終蓋讀終爲眾各者不一之辭也

載馳正義

眾卽指下文十千而言

周易禊卦傳大有眾也釋文眾苟作終士相見禮眾皆若是注今文眾爲終釋草眾稊灤貫眾釋文眾皆音終是終與眾古字通蝨之作蠅亦其例矣經義述聞曰眾穉且狂眾當讀爲終終猶既也終溫且惠既溫且惠也終風且暴既風且暴也終窶且貧既窶且貧也終和且平既和且平也終穉且狂既穉且狂也終善且有既善且有也此詩之例也古字多借眾爲終史記五帝紀怙終賊刑徐廣曰終一作眾周頌振鷺篇以永終譽後漢書崔駰傳終作眾韓策臣使人刺之終莫能就史記刺客傳終作眾

亦服爾耕 亦有高廩 奕奕寢廟 奕奕梁山 四

牡奕奕 新廟奕奕

亦服爾耕箋云亦大服事也正義曰皆釋詁文彼亦作奕音義同豐年亦有高廩箋云亦大也案亦說文作次卽今掖字大部奕大也从大亦聲小雅巧言篇奕奕寢廟傳奕奕大貌韓奕奕奕梁山傳奕奕大也四牡奕奕箋奕長大

之四牡奕奕然魯頌闕宮篇新廟奕奕正義引王肅云奕奕盛大奕正字亦借字文王不顯亦世魏書禮志作不顯奕世後漢書袁術傳注作丕顯奕代國語周語亦世載德注亦亦前人也明道本竝作奕漢綬民校尉熊君碑中常侍樊安碑執金吾丞武榮碑北軍中候郭中奇碑竝作奕世載德亦與奕古字通

振鷺于飛

振振鷺

采蘋祁祁

七月出車

來假祁祁

振鷺振鷺于飛傳振振羣飛貌魯頌有駉振振鷺傳振振羣飛貌案振振卽祁祁也七月采蘋祁祁元鳥來假祁祁傳竝曰祁祁眾多也出車采蘋祁祁正義云采蘋菜之人

六十

六

祁祁然眾多羣與眾多是一義禮記祭法王爲羣姓立社注羣眾也史記周本紀夫獸三爲羣正義引曹大家羣眾衆皆多之名也蔡邕獨斷治典不殺曰祁祁一作震易恆上六振恆凶釋文振張作震書振驚朕師史記五帝紀作振驚朕眾是祁振震竝通用又小雅吉日其祁孔有箋云祁當作麇爾雅某氏注引詩作其麇孔有祁之通作振亦猶祁之通作麇矣

于彼西雍

於樂辟靡

唐石經作于彼西雍文選劇秦美新注任彥昇爲蕭揚州作薦士表注引詩竝作西雍宋本作誰傳云誰澤也靈臺

於樂辟靡傳云水旋如璧曰辟靡毛讀辟爲璧以水釋靡水亦澤也據毛義靡與靡皆當作邕說文邕四方有水自邕成池者从川邑聲辟靡白虎通作辟雍云雍者壅之以水象教化流行也雍爲誰之隸變壅爲邕之俗字後漢書邊讓傳注引韓詩于彼西雍薛君章句云西雍文王辟雍也

耆定爾功 靡所底止 伊于胡底

武者定爾功傳耆致也祈父靡所底止傳底至也小顛伊于胡底箋底至也爾雅釋言底致也郝氏義疏云致者說文云造詣也詣候至也然則致亦至也致至聲同字亦通

毛十

七

矣底通作耆詩耆定爾功傳耆致也釋文耆毛音指

左傳宣十

二年釋文耆音旨耆从旨省聲

文選報任少卿書注引爾雅郭璞曰底音

指蓋郭氏音義之文集韻耆通作底蒙案至致字本通用禮記大學致知在格物注致或爲至禮記禮器有放而不致也釋文致本亦作至論語子張喪致乎哀而止皇疏致猶至也廣雅釋詁致至也武傳之耆致卽祈父傳之底止底與砥本一字說文訓柔石底訓至卽讀爲至儀禮聘禮記義之至也注今文至爲砥是其證節南山箋讀氏爲桎爾雅釋鳥釋文鴟或作鴟亦其例說文坻小渚也重文作渚集韻坻或作渚此亦耆通作底之例或曰耆底皆氏之

段借說文氏至也

其耕澤澤 抑釋棚忌

載芟其耕澤澤箋云耕之則澤澤然解散案澤乃釋之段借故訓解散釋文澤音釋正義云其耕則釋釋然解散字正作釋爾雅作郝郝釋文云郝音釋正義引爾雅作釋釋引舍人曰釋釋猶藿藿解散之義鄭風抑釋棚忌傳箋疏於釋字無說釋亦當訓解澤釋古字通周禮考工記水有時以疑有時以澤釋文澤李首釋史記孝武紀振兵澤旅徐廣曰古釋字作澤高祖臣功表張侯毛澤漢表作毛釋之惠景閒侯年表建陵侯張澤索隱曰澤一名釋漢書外

毛十

八

戚恩澤侯表作釋張陳列傳使張廩陳澤正義曰澤音釋大戴禮夏小正寒日滌凍塗傳凍塗也者凍上而澤下多也孔廣森曰澤讀若其耕澤澤之澤詩雨雪載塗傳塗凍釋也管子云日至六十日而陽凍釋七十日而陰凍釋農及雪澤黃叔琳曰管子農耕及雪釋澤即釋也

有依其土 愛而不見 心乎愛矣

有依其土箋云依之言愛也案鄭以依為愛之段借也老子衣養萬物而不為主釋文衣河上作愛禮記樂記肆直而慈愛者宜歌商注愛或為哀哀與依皆衣聲依之通作愛猶衣與哀之通作愛矣靜女愛而不見隰桑心乎愛矣

皆悅愛之愛雲漢靡愛斯牲乃愛恫之愛烝民愛莫助之乃優隱之優與此義別

振古如茲

倉兄填兮

孔填不寧

瞻叩 召旻

振古如茲箋振亦古也案振古釋言文振與填音近故訓古桑柔倉兄填兮瞻叩孔填不寧召旻孔填不寧傳箋竝訓填爲久釋文填音塵久古是一義縣傳古言久也是也振訓卽是訓久釋言注引詩振古如茲釋之云猶云久若此與箋義合周禮大祝注振讀爲慎慎與填皆眞聲振之通作慎猶振之通作慎矣大司馬注慎讀爲震說文慎讀若振漢書功臣表慎陽侯注慎音震皆其例

毛十

九

不吳不敖

不吳不揚

聊可與娛

絲衣不吳不敖傳吳譁也正義作不娛不敖云人自娛樂必謹譁爲聲故以娛爲譁也定本娛作吳泮水不吳不揚箋吳譁也正義曰鄭讀不吳爲不娛人自娛樂必謹譁爲聲故以娛爲譁也案據孔氏說則吳與聊可與娛之娛同彼傳云娛樂也說文吳部吳大言也釋文引說文吳作吳非是大言卽是譁似不必借義于娛

我龍受之

何天之龍

笙磬同音

同爾兄弟

酌我龍受之長發何天之龍傳竝曰龍和也案龍爲同之段借鼓鍾笙磬同音箋以八音克諧釋同音諧卽和也正

義云皆得和同其音矣皇矣同爾兄弟箋云以和協汝兄弟之國正義云和同汝之兄弟說文龍从童省聲列子黃帝狀不必童而智童智不必童而狀童注童當作同龍之通作同猶童之通作同矣說文魚部鮑魚也从魚同聲讀若綉權方言四無祠之綉注祠亦權字異耳又云稭齊魯之閒或謂之權注權音鮑魚玉篇廣韻皆以祠爲權之重文此皆龍同字通之證段玉裁以龍爲誰之段借陳奐以龍爲龔之段借馬爲璵謂龍訓和和者樂也鄭讀爲寵寵者愛也愛樂是一義毛亦讀龍爲寵以上諸說皆未安唯詩經平議讀龍爲同其說較長

毛十

十

躄躄王之造 矯矯虎臣 起武夫

躄躄王之造傳躄躄武貌釋文躄居表反魯頌泮水篇矯矯虎臣箋云矯矯武貌釋文作矯矯云本又作矯亦作躄居表反正義作矯矯酌正義引作躄躄與釋文亦作本合唐石經宋小字本相臺本並作矯矯虎臣案說文足部躄舉足行高也虫部躄蟲也矢部矯揉箭箝也皆段借字其正字當作起周南兔置篇起起武夫傳起起武貌爾雅釋訓廣雅釋訓並云起武也則起與躄躄同義說文起部起輕勁有材力也从辵斗聲讀若矯則起與躄躄同音躄躄矯矯卽起起也起起武夫後漢書桓榮傳注作糾糾武

夫陳風月出舒窈糾兮毛詩古音考曰糾音矯其笠伊糾亦此讀蒙謂窈糾卽漢書楊雄傳之夭矯後漢書張衡傳之夭矯糾之讀爲矯猶糾之讀爲矯與矯矣大雅版篇小子矯矯列女傳趙將括母傳引作小子矯矯

婁豐年 屢顧爾僕 君子屢盟 屢舞僊僊 屢舞

傲傲 屢舞僊僊

桓婁豐年箋云婁亟也釋文婁力往反亟欺冀反數也正義本作屢左氏宣十二年傳引詩作屢正月巧言賓之初筵皆作屢傳箋竝曰屢數也案說文無屢古止作婁屢顧爾僕釋文作婁云本又作屢君子屢盟釋文屢本又作婁

毛十

七

屢舞僊僊釋文屢本作婁山有樞弗曳弗婁韓詩外傳作弗曳弗屢角弓式居婁驕荀子非相篇作式居屢驕楊倞注屢讀爲婁禮記郊特牲孔子屢嘆之釋文作婁云本又作屢漢書宣帝紀婁蒙嘉瑞元帝紀婁勅公卿成帝紀災異婁降食貨志婁勅公卿以農爲務公孫宏傳婁舉賢良趙充國傳婁奏封章王莽傳婁省朝政師古竝曰婁古屢字爾雅釋言釋文婁本又作屢同力往反

鼓咽咽 伐鼓淵淵 鞀鼓淵淵

魯頌有駟鼓咽咽傳咽咽鼓節也采芑伐鼓淵淵傳淵淵鼓聲也邶鞀鼓淵淵正義其鞀鼓之聲淵淵而和也案咽

咽訓鼓節亦以鼓聲言有聲乃有節咽咽與淵淵同釋文咽本又作囁同烏兮反又於巾反文選張平子東京賦雷鼓囂囂注引詩鼓囂囂與釋文又作本合伐鼓淵淵崔靈恩集注亦作囂囂說文無囂有齧云鼓聲也从鼓用聲引詩鼓齧齧廣韻十七真齧鼓聲於巾切重文作齧一先亦收齧字玉篇鼓部齧於巾於兮二切鼓聲也鼓節也玉篇廣韻竝無囂囂訛字齧俗字齧正字咽淵竝借字說文咽籀文作嫻毛詩古音考淵音因因淵同聲故因聲用聲之字通用淵卽古淵字也

其旂筏筏

其旂泝泝

胡不旆旆

毛十

主

泝水其旂筏筏釋文作伐伐云伐蒲害反又普貝反本又作筏賈昌朝羣經音辨人部作伐伐正義唐石經作筏筏傳云筏筏言有法度也案此詩曰其旂筏筏鸞聲噦噦采菽曰其旂泝泝鸞聲噦噦泝泝卽筏筏噦噦卽噦噦傳云泝泝動也又出車胡不旆旆傳旆旆旆垂貌蓋垂則動動而有節是爲法度語雖殊義則一也說文艸部筏草葉多段氏玉裁曰泝水其旂筏筏卽出車之旆旆旆采菽之其旂泝泝也小弁葍葍泝泝亦當作葍葍筏筏玉樹案以旆言則旆爲正字泝與筏皆借字以草言則葍葍泝泝在菽旆旆皆筏之段借字也六月白旆央央釋文作白筏云

本又作旆繼旒曰棨左傳云蒨棨是也一日旆與棨古今字殊正義本作帛棨定四年左氏傳績棨旃旌禮記禘記注引作蒨旆

狄彼東南 用邊蠻方 攘之剔之

狄彼東南箋云狄當作剔剔治也案毛於狄無訓韓詩作鬢彼東南云鬢除也鬢卽剔也除卽治也皇矣攘之剔之釋文剔或作鬢莊子馬蹄篇釋文剔崔本作鬢士喪禮注今文鬢爲剔鄭讀狄爲剔義本韓詩玉篇刀部剔重文作勢狄蓋勢之省文選王仲宣從軍詩注引詩逃彼東南說文逃遠也作逃乃王肅義釋文狄王他歷反遠也抑篇用邊蠻方說文邊爲古文逃毛就其本字訓之云遠也箋云邊當作剔剔治也與泮水狄字同訓左氏僖二十八年傳糾逃王慝漢都鄉正街彈碑作糾剔王弼

不吳不揚 無貳無虞

不吳不揚正義釋毛云不爲過誤無有損傷案正義說本王肅肅又本毛傳闕宮無貳無虞傳虞誤也吳與虞通故亦爲誤衡方碑正作不虞不揚絲衣不吳不敖史記孝武紀作不虞不驚索隱曰虞吳聲相近公羊定四年帥師伐鮮虞釋文虞本或作吳音虞國語齊語西服汭沙西吳管子小匡篇作西虞漢書地理志封周章弟中於河北是爲

北吳史記吳世家水經注河水篇引晉太康地記竝謂之北虞又地志云大陽吳山在西上有吳城周武王封大伯後於此是爲虞公僖五年左傳虞仲吳越春秋作吳仲說文虞从虍吳聲釋名吳虞也此吳虞字通之證

不吳不揚 戒其傷女

不吳不揚傳揚傷也案揚卽傷之古文段借正月燎之方揚漢書谷永傳作燎之方陽澤陂傷如之何爾雅釋詁注引魯詩陽如之何玉篇陽傷也禮記玉藻釋文傷音傷又音陽是揚陽傷古通用揚訓傷非我心息傷之傷乃戒其傷女之傷

毛十

古

食我桑黹 無食桑葚

食我桑黹傳黹桑實也案說文艸部葚桑實也字林考逸艸部葚桑實也時審反又式忍反見爾雅釋木釋文葚正字黹借字衛風于嗟鳩兮無食桑葚字作葚或謂說文黑部黹桑葚之黑也則黹亦正字非借字矣予曰此許氏之誤也家語辨樂黹而黑注黹黑貌淮南子主術訓問瞽師曰白素何如曰縞然曰黑何如曰黹然莊子齊物論釋文引李云黹闇不明貌文選束廣微補亡詩黹黹重雲注黹黹雲色不明貌廣雅釋器黹黑也一切經音義卷六引字林黹黑黃也卷十一引纂文黹黹深黑也黹爲凡黑之稱

不專屬桑甚許氏之說蓋用毛傳而忘其為段借如采菽

傳葵揆也釋言以葵為揆之段借也葵本菜名說文本之曰揆

葵也反以借字詁正字矣車牽傳慰怨也以慰為愠之段

借也韓詩作以愠我心云愠志也說文本之慰下云一曰恚怒也誤以

借義為正義矣凡此之類百密一疏正不必曲為之說玉

篇艸部甚桑實也不言亦作黓黑部黓救感都甚二切黓

黓不明淨也不收桑甚一訓廣韻四十七寢甚重文作黓

不作黓四十八感黓字注云黓黓雲黑不言與菴同皆可

正許氏之失陸德明曰黓說文字林皆作甚而不取桑黓

之黑之說則亦不以許氏為然矣段黓為甚猶之借樾為

甚廣韻以作樾為俗釋木釋文以作樾為非蓋亦昧於段

借之義

憬彼淮夷入洞酌彼行潦

憬彼淮夷傳憬遠行貌案說文憬訓覺悟毛云遠行者謂

憬為洞之段借也大雅洞酌彼行潦毛訓洞為遠正義訓

洞為遠往遠往即遠行也又正義云洞遠釋詁文今釋詁

作迥遠說文亦云迥遠也是洞又當作迥士昏禮姆加景

注今文景作憬江永羣經補義謂即裴與綱之段借憬之

通作洞猶憬之通作綱矣

六轡耳耳垂轡瀾瀾彼爾維何

闕宮六轡耳耳傳耳耳然至盛也陳奐曰耳耳猶爾爾載

驅垂轡爾爾此釋文本唐石經作彌瀾傳爾爾眾也盛與眾同義案此

說是也爾亦訓盛采薇彼爾維何傳爾華盛貌瀾說文訓

水滿滿亦盛也爾說文訓麗爾云猶靡麗也則爾本有美

盛之義耳古文爾今文螽斯傳維蚣蝻不耳足利本耳作

爾大東箋譚無他貨唯絲麻爾足利本爾作耳論語女得

人焉耳乎太平御覽一百七十四二百六十六俱引作女

得人焉爾乎詳見論語校勘記是耳爾字通之證周禮男巫注杜

子春讀弭如彌兵之彌漢書王莽傳以彌亂發姦注彌讀

曰弭文選羽獵賦望舒彌轡注彌與弭古字通耳之通作

毛十

爾猶弭之通作彌矣唐李習之論語筆解云六十而耳順耳當作爾

戎狄是膺 應侯順德 我應受之

戎狄是膺傳膺當也漢書衡山濟北王傳贊詩云戎狄是

膺嚴朱吾丘主父徐嚴終王賈傳贊匈奴傳贊竝曰詩稱

戎狄是膺師古皆云膺當也卽本毛傳下武應侯順德周

頌賚我應受之傳竝曰應當也案膺借字應正字說文心

部應當也內部膺胸也史記建元以來王子侯者年表及

匈奴傳引詩戎狄是應孟子引詩戎狄是膺音義云丁本

作應爾雅釋詁應當也釋文應本或作膺下武正義賚正

義引釋詁作應當闕宮正義引釋詁作膺當趙岐孟子注

膺擊也呂氏春秋察微篇宋華元帥師應之大棘又處方篇荆令唐蔑將而應之高誘注竝曰應擊也淮南子主術訓不使應敵高注應擊也趙氏讀膺爲應故訓擊廣雅釋詁應受也王氏疏證云晉語其叔父實應且憎以非余一人韋昭注應猶受也楚辭天問鹿何膺之王逸注云膺受也膺與應通惠棟春秋左傳補注云應乃懿德應讀曰膺尙書康誥曰應保殷民亦古文膺字惠意似以應爲膺之段借說恐非

則莫我敢承

靈莫之懲

沔水正月

憎莫懲嗟

不懲其

心 胡憎莫懲

毛十

七

則莫我敢承傳承止也正義曰承者當待之義不敢當待卽是不敢禦止故以承爲止也案正義非也毛謂承爲懲之段借也沔水靈莫之懲節南山憎莫懲嗟不懲其心正月靈莫之懲十月之交胡憎莫懲傳箋竝訓懲爲止說文懲訓忒止爲忒之引伸之義左傳哀四年諸大夫恐其又遷也承注承音懲蓋楚言正義曰承懲音相近蓋是楚人之言聲轉而字異耳此承與懲通之證上文荆舒是懲義云也懲戈字作懲此作承蓋變文以韻句

遂荒大東 維鳩方之

遂荒大東傳荒有也案荒乃方之段借鵠巢維鳩方之傳

方有也廣雅釋詁方有也荒从宀聲宀从亾聲周禮方相氏歐方良注方良罔兩也釋文方音罔罔亦亾聲荒之通作方猶罔之通作方矣或曰釋詁幬有也注引詩遂幬大東幬又當作撫禮記文王世子君王其終撫諸注撫有也說亦通荒通作方說本邵晉涵爾雅正義

莫敢不諾魯侯是若

莫敢不諾魯侯是若傳諾順若順也案傳讀諾爲若故訓順此章之諾若亦猶上章之懲承阮氏元所謂意同字變也傳諾順顏師古定本崔靈恩集注有之釋文正義竝無段玉裁訂毛詩故訓傳從定本說文諾从言若聲故諾借爲若

毛十

六

奏鼓簡簡 關關雉鳴

商頌那奏鼓簡簡箋云其聲和大簡簡然正義曰其聲簡簡然而和大也案簡簡當讀若關關周南傳關關和聲也釋詁關關音聲和也玉篇關關和鳴也史記建元以來王子侯年表榮簡侯劉騫索隱曰漢表作榮關是簡關字通之證或曰簡與關皆讀若管如史記管叔墨子作關叔鄭風秉簡漢書作秉管之比管與和雙聲得義說亦通

庸鼓有鞀 賁鼓維鏞

庸鼓有鞀傳大鐘曰庸釋文庸如字依注作鏞正義本作

鑄案說文金部爾雅釋樂皆云大鐘謂之鑄大雅靈臺賁
鼓維鑄傳鑄大鐘也鑄今文庸古文文選張平子東京賦
注引詩作鑄鼓有鞀周書世俘解王奏庸亦段庸爲鑄書
益稷笙鑄以閒古文尙書作庸鄭訓爲功眊瞭疏大射儀
疏引作笙庸以閒說見古文尙書撰異

庸鼓有鞀萬舞有奕

庸鼓有鞀萬舞有奕傳鞀然盛也奕奕然閑也案說文
奕大也韓奕傳奕奕大也奕奕然閑者閑亦大也殷武旅
楹有閑正義云閑然而大文選魏都賦注引韓詩章句曰
閑大也是也經言萬舞卽千舞萬亦有大義廣雅釋詁萬

毛十

九

大也初學記引韓詩曰萬大舞也傳閑字必當訓大箋以
閑習釋之失傳意矣大與盛是一義鞀本訓厭傳云鞀鞀
然盛者鞀卽奕之段借阮氏元所謂意同字變也奕卽訓
盛文選秋懷詩注引韓詩章句奕奕盛貌廣雅釋訓奕奕
盛也是也釋文鞀奕繹竝音亦泮水徒御無鞀釋文作繹
闕宮新廟奕奕周禮隸僕注蔡邕獨斷作寢廟繹繹是鞀
奕繹竝通用

賚我思成 來假來饗

烈祖賚我思成箋云賚讀如往來之來釋文賚毛如字鄭
音來案下文來假來饗字作來賚與來古字通用故鄭讀

賚爲來釋詁來勤也釋文來力代反本或作賚楚茨徂賚
孝孫釋文賚如字徐音來周頌賚釋文賚力代反徐又音
來書湯誓子其大賚女武成大賚于四海費誓我商賚爾
釋文竝曰賚徐音來李先生曰賚字雖見說文亦後出之
字古止作來說文來周所受瑞麥來斨一來二縫象芑束
之形天所來也故爲行來之來是來本有賜義許云天所
來猶天所賚也人自外來來也物自外來亦來也來者歸
也賜之爲來猶饋之爲歸矣儀禮少牢饋食禮來女孝孫
鄭注來讀爲釐釐賜也來卽可以訓賜讀釐轉迂矣堯廟
碑爲勅元來福賚作來

毛十

三

既戒既平

君子如屆

不知所屆

既戒既平傳戒至案此謂戒爲屆之段借也節南山君子
如屆小弁不知所屆箋竝云屆至也釋文屆音戒爾雅釋
詁艘至也釋文郭音屆孫云古屆字采菽君子所屆晏子
春秋諫篇上作君子所誠誠卽戒字此屆戒字通之證

來假來饗

以假以享

來假來饗箋云饗謂獻酒使神饗之也諸侯來助祭者來
升堂來獻酒上文以假以享箋云生獻也以此來朝升堂
獻其國之所有饗與享箋皆訓獻說文享獻也饗鄉人飲
酒也享正字饗借字七月朞酒斯饗傳云饗者鄉人飲酒

也此饗之本義餘皆享之段借字也阮氏校勘記曰來假來饗唐石經小字本相臺本同考文古本同闕本明監本毛本饗誤享案經中饗享二字截然有別享者下享上也饗者上饗下也自歐陽脩本義以來論之詳矣盧旬宣曰案有字同義別而相因者如獻神爲享神食其所獻亦爲享此等在訓詁中未可枚舉後儒曲爲區別乃以獻神作享神食所獻作饗於我將闕宮烈祖皆用此例定其字故唐石經宋本似是而非今俗本槩作享似非而是此篇前享字箋云獻也後享字箋云謂獻酒使神享之也相承爲說斷非有二形也玉樹案箋以來假來饗爲升堂獻酒則

是下獻上亦謂之饗矣說文享獻也引孝經曰祭則鬼享之是上受其獻亦謂之享矣毛詩字不畫一往往於一篇之中古文今文雜見此詩與楚茨我將闕宮皆一篇之中享饗竝見亦猶谷風之余予伐檀之猗兮皇矣之度宅行葦之鈞均楚茨之安綏思齊之射斲斯干之維唯緜篇之走奏公劉之迺乃皆今古文之別也段玉裁於饗享二字區別甚嚴有云小戴記凡祭享燕饗字皆作饗無作享者左傳則皆作享無作饗者蒙案此不然也曲禮食饗不爲概釋文饗本又作享聘義賄贈饗食燕釋文作享云本又作饗是戴記未嘗無享字也莊十七年饗齊成成四年衛

侯饗苦成叔字竝作饗成十二年於是有燕享之禮釋文
享本亦作饗是左傳未嘗無饗字也又成十二年享以訓
其儉詩卷耳正義儀禮燕禮疏皆作饗以訓恭儉又彤弓
正義引莊十八年傳虢公晉侯朝王王饗禮僖二十八年
傳王饗禮命晉侯宿僖二十五年傳晉侯朝王王饗禮昭
元年傳鄭饗趙孟孔穎達所見左傳饗字多矣以獻食爲
享神食其所獻爲饗此說昉於歐陽脩詩本義而呂氏讀
詩記嚴氏詩緝皆主其說經韻樓集說文解字注又加詳
焉余以說文考之而知其說非是莊四年左氏經夫人姜
氏享齊侯於祝丘公羊穀梁享作饗享饗字通趙氏坦春

毛十

三

秋異文箋引證甚博茲不具錄

宅殷土芑芑 好樂無荒 幽居允荒 大王荒之

芑烏宅殷土芑芑傳芑芑大貌案天作大王荒之傳荒大
也蟋蟀傳公劉傳竝曰荒大也爾雅釋天大歲在巳曰大
荒落史記麻書作大芑落荀子富國篇芑軻侵枯注芑昧
也或讀爲荒史記夏本紀子帝芑立索隱芑音亾鄒誕生
又音荒三代世表帝芑索隱芑一作荒考工記注幌讀爲
芑芑禹跡之芑是芑荒古字通用說文芑訓草崱荒訓蕪
皆無大義芑與荒當爲荒之假借說文荒水廣也廣卽大
也荒从兪聲兪从亾聲芑亦从亾聲

奄有九有 九有有截 肇域彼四海

奄有九有傳云九有九州也案有當讀若域文選冊魏公
九錫文注引韓詩奄有九域薛君章句曰九域九州也長
發九有有截箋云九州齊一截然晉書樂志作九域有截
肇域彼四海箋云兆域正天下之經界正義云爲營兆境
域以至于彼四海也有與域古字通用國語魯語共工氏
之霸九有也漢書律厯志作霸九域正域彼四方傳域有
也域之讀爲有猶有之讀爲域矣

受命不殆 無俾大怠 不敢怠遑

受命不殆箋云受天命而行之不懈殆者正義易爲懈怠

毛十 三

賓之初筵無俾大怠殷武不敢怠遑字作怠殆與怠古字
通論語思而不學則殆釋文殆本又作怠集解徒使人精
神疲殆疏云疲勞倦殆義作怠周易震六二注震之爲義
威駭怠惰釋文怠本又作殆孟子校勘記舜年五十而思
慕其親不殆孔本韓本殆作怠殆與怠皆台聲

景員維河 伊誰云從維暴之云 云不我可 曷云
能穀 曷云其還 云我無所 云如何里 人之云

亾 不云旨頰 不云自中

景員維河箋云員古文作云河之言何也其所貢於殷大
至所云維言何乎正義曰言諸侯大至所言維云何乎箋

以云代員疏以言代云何人斯伊誰云從維暴之云傳箋
竝訓云爲言小明曷云其還雲漢云我無所瞻印人之云
亾召旻不云自頰箋竝訓云爲言何人斯云不我可召頤
不云自中疏訓云爲言四月曷云能穀箋訓云爲謂謂卽
言也雲漢云如何里箋訓云爲曰曰亦言也出其東門釋
文員本亦作云正義曰云員古
今字助句辭也正月釋文云本又作員書
秦誓若弗云來雖則云然古本云作員正義員
卽云也皆其證

景員維河

其鈞維何

何彼禮
天采綠

彼爾維何

吉夢維

何

其告維何

其類維何

其允維何

其僕維何

其殺維何

其蔽維何

其贈維何

毛十

音

景員維河毛於河無釋鄭云河之言何也釋文河王以爲
河水本或作何案箋云河之言何以河爲何之段借經文
不當作何王肅以爲河水名曰申毛實則難鄭何彼禮矣
采薇斯干采綠旣醉韓奕皆有維何之文維河卽維何也
下文百祿是何字作何此作河變文以韻句河何古字通
用逢盛碑無可奈河吳仲山碑彌余感痛奈河皆以河爲
何隋龍藏寺碑以河人爲何人爾雅校勘記何鼓謂之牽
牛單疏本雪臆本注疏本同唐石經元刻作何後改作河
史記漢書作河鼓詩正義引李巡孫炎注同錢大昕廿二
史考異後漢書順帝紀揚州六郡妖賊章河等天文志作

章何馮登府唐石經考異公羊傳文四年其謂之逆婦姜于齊何石經何作河案詩碩人河水洋洋楚辭注作何水油油蓋通借字

幅隕既長 景員維河

長發幅隕既長傳幅廣也隕均也箋云隕當作圓圓謂周也小字本釋文隕音圓正義釋毛云今使中國廣大均平既已長遠矣又云鄭以隕為圓言中國廣大而圓周也案正義誤也毛云隕均也均徧也鄭云周也周亦徧也毛本讀隕為圓而不改其字鄭即毛義引伸之曰隕當作圓非改毛也釋文但云隕音圓不分別毛鄭是矣圓字古亦作

毛十

五

員說文口部圓全也讀若員今鳥景員維河傳云景大員均也釋文員毛音圓員為圓之省文隕為員之增文

昭假遲遲 迨我暇矣 憚我不暇 朝夕不暇

昭假遲遲箋云假暇其德聰明寬暇天下之人遲遲然言急於己而緩於人釋文假古雅反鄭云暇也徐云毛音格鄭音暇案王肅訓假為至格是王音也沈云鄭箋云寬暇以此義訓非改字也案沈說非也徐云鄭音暇是也鄭云假暇以義該音皇矣箋天須假此二國釋文假本又作暇假樂君子假以溢我釋文竝云假音暇列子力命篇行假念死乎注行暇音何暇又黃帝篇試語之有暇矣釋文暇

本又作假亦音暇字文選王仲宣登樓賦注引賈逵國語注曰暇閒也暇或爲假楚辭曰聊假日以消憂皆假暇字通之證伐木迫我暇矣小明憚我不暇何草不黃朝夕不暇字作暇

昔在中葉 本支百世 不顯亦世 世之不顯 世有哲王 世德作求 在夏后之世 世執其功 永世克孝

昔在中葉傳葉世也案此段借也說文葉从艸聲葉从世聲左氏昭元年傳其季世曰唐叔虞文選曹植與吳季重書注引作季葉是葉世古字通用易井渫不食史記屈原

毛十

美

傳作井泄不食民勞傳泄去也說文玉篇皆云渫除去也箋云泄猶出也發也文選七發注引詩箋作渫發也葉之通作世猶渫之通作泄矣文王本支百世不顯亦世世之不顯下武世有哲王世德作求蕩在夏后之世崧高世執其功閔予小子永世克孝世與葉今古文之別也

實維阿衡 兩驂不猗 有實其猗

實維阿衡傳阿衡伊尹也箋云阿倚衡平也伊尹湯所依倚而取平故以爲官名案阿與猗通漢外黃令高彪碑稽功猗衡字作猗車攻兩驂不猗正義云兩驂之馬不相依倚節南山有實其猗箋猗倚也說文自部阿大陵曰阿从

自可聲一曰阿曲阜也犬部猗猗大也从犬奇聲阿猗訓倚皆卽倚之段借猗與倚古皆音阿僞太甲惟嗣王不惠于阿衡僞孔傳阿倚衡平正義云古人所讀阿倚同音毛詩古音考詩本音皆云猗音阿大陵曰阿是阿有長大之義曲自曰阿曲則有柔順之義節南山傳猗長也隰有萋楚傳猗儺柔順也皆讀猗爲阿

采入其阻

唐石經宋十行本小字本相臺本並作采毛本誤作采

濟有深涉深

則厲

就其深矣

深谷爲陵

如臨深淵

維其深

矣

匏有苦葉濟有深涉深則厲谷風就其深矣十月之交深

毛十

毛

谷爲陵小旻如臨深淵瞻卬維其深矣並作深唯殷武采入其阻字作采此毛詩古文也他經未有采字說文解字注曰突深也此以今字釋古字也突深古今字隸變作采深深行而采廢矣毛詩采入其阻傳曰采深也此以今字釋古字而許襲之鄭易采爲采訓爲冒以字形相似易之作音義者當云毛作采式針反深也鄭作采面規反冒也說文采作突采作采乃爲分析大徐於說文撰突並音式鍼切

勿子禍適 室人交徧謫我

勿子禍適傳適過也案適讀如謫北門室人交徧謫我傳謫責也過與責義同適亦訓責禮記昏禮適見于天注適

之言責也史記蘇秦傳適燕者索隱適者責也廣雅釋詁
適賚也說文玉篇並無適廣韻二十一麥始收適字爲謫
之重文不古甚矣說文言部謫罰也此訓賚之正字適借
字謫俗字孟子離婁篇人不足與適也注適過也詩曰室
人交徧適我知北門謫字漢時止作適後人加言於其旁
漢書嚴助傳迺發適戍以備之師古曰適讀曰謫左氏桓
十八年傳公謫之齊風南山序箋引作謫小字相臺本作
適五經文字言部謫經典或从適又借適字爲之

南菁書院叢書

毛十

美

